

北史


		一	漢
		二	書
		八	門
三	四	九	
〇	一	二	
冊	架	函	號

庫文閣内			
元	一	漢	
の	二	書	
函	八		
二	三	九	
四	〇		
架	冊	號	類


内閣文庫	
番號	漢 1289
冊數	30 (4)
函號	280 85

正史百十九号

共三十四册



綴じ部(喉部分)の文字など開きが不鮮明な箇所あり



武

勸

勸

勸

勸

勸

勸

勸

勸

勸

勸

勸

后魏大統九年生於同州有神光照室帝幼而寡故敏
 有器質文帝異之曰成吾志者此兒也年十二封輔城郡
 公孝閔帝踐阼拜大將軍出鎮同州明帝即位遷柱國授
 蒲州刺史入為大司空行御正進封魯國公領宗師甚見
 親愛參議朝廷大事性沉深有遠識非因問終無所言帝
 每歎曰夫人不言言必有中武成二年四月帝崩遺詔傳
 位於帝帝固讓百官勸進乃從之壬寅即皇帝位大赦冬
 十二月改作路門是歲齊孝昭帝廢其主毅而自立

北史齊紀上

保定元年春正月戊申改元文武百官各增四級以大夫
宰晉公護為都督中外諸軍事令五府摠於天官庚戌祀
圓丘壬子祀方丘甲寅祀感帝於南郊乙卯祭太社己巳
享太廟班文帝所述六官於廟庭甲戌板授高年官各有
差乙亥親耕籍田景子大射於正武殿賜百官各有差二
月己卯遣大使巡察天下風俗甲午朝日於東郊景午省
輦輿去百戲二月景寅改八丁兵為十二丁兵率歲一月
役夏四月景子朔日有蝕之庚寅以少傅吳公尉綱為大
司空丁酉白蘭遣使獻犀甲鐵鎧五月景午封孝閔皇帝
子康為紀國公皇太子贊為魯國公晉公護獲玉斗以獻六
月乙酉遣御史嚴不害使於陳秋七月戊申以旱故詔所
在降死罪已下囚更鑄錢文曰布泉以一當五與五銖並
行九月甲辰南寧州使獻滇馬及蜀鎧冬十月甲戌朔日
有蝕之十一月乙巳陳人來聘丁巳狩於岐陽是月燕孝
昭帝殂十二月車駕至自岐陽是歲突厥吐谷渾高昌宕
昌龜茲等國並遣使朝貢

二年春正月壬寅初於蒲州開河渠同州開龍首渠以廣
溉灌丁未以陳上第頊為柱國送還江南閏月己亥大司
馬涼公賀蘭祥薨二月癸丑以久不雨宥罪人京城三十
里內禁酒梁主蕭詧薨夏四月甲辰以旱故禁屠宰癸亥

詔曰諸柱國等勲德隆重宜有優崇各准別制邑立聽寄
食他縣五月庚午以南山衆瑞並集免今年役及租賦之
半壬辰以柱國隋公楊忠為大司空六月己亥以柱國蜀
公尉迴為大司馬分山南荊州安州襄州江陵為四總管
秋九月戊辰朔日有蝕之陳人來聘冬十月辛亥帝御大
武殿大射戊午講武於少陵原十一月丁卯以大將軍衛
公直趙公招並為柱國

三年春正月辛未改光遷國為遷州乙酉太保梁公侯莫
陳崇賜死二月庚子初頒新

政非軍機急速皆依月令以天心二月乙丑朔日有蝕

之景子宕昌國獻生猛

柱國鄭公達奚武為大將軍韓果為柱國己亥帝御

正武殿錄囚徒癸卯大雪癸丑有牛足生於背戊午幸太

學以太傅燕公子謹為三老而問道焉初禁天下報讎犯

者以殺人論壬戌詔百官及庶人上封事極言得失五月

甲午朔以旱故避正寢不受朝甲戌雨秋七月戊辰行幸

原州庚午陳人來聘丁丑幸津門問百年賜以金帛又賜

高年板職各有差降死罪囚一等八月丁未改作路寢九

月甲子自原州登隴山景戌幸同州戊子詔柱國楊忠率

騎一萬與突厥伐齊己丑初令世襲州郡縣者悉改為五

等爵州封伯郡封子縣封男冬十月庚戌陳人來聘十二月辛卯車駕至自同州遣太保達奚武率騎三萬出平陽以應楊忠是月有人生子男而陰在背後如尾兩足指如獸亦有犬生子腰以後分為二身兩尾六足

四年春正月庚申楊忠破齊長城至晉陽而還二月庚寅朔日有蝕之三月庚辰初令百官執笏夏四月癸卯以柱國鄧公實熾為大宗伯五月壬戌封明帝長子賢為畢公癸酉以大將軍安武公李穆為柱國丁亥改禮部為司宗大司禮為禮部大司樂為樂部六月庚寅改御伯為納言秋七月焉耆國遣使獻名馬八月丁亥朔日有蝕之詔柱

國楊忠帥師與突厥東伐至北河而還戊子以柱國齊公憲為雍州牧以許公士文貴為大司徒九月丁巳以柱國衛公直為大司空陳人來聘是月以皇世母閻氏自齊至大赦閏月己亥以大將軍韋孝寬長孫儉並為柱國冬十月癸亥以大將軍陸通字文盛祭公廣並為柱國甲子詔大冢宰晉公護伐齊於太廟庭授以斧鉞於是護總大軍出潼關大將軍權且宣帥山南諸軍出豫州少師楊擲出軹關丁卯帝幸沙苑勞師癸酉還宮十一月甲午柱國尉遲迥圍洛陽柱國肅公憲營芒山晉公護次陝州十二月景辰齊豫州刺史王士良以州降壬戌齊師度河晨至

洛陽諸軍驚散討迴帥麾下數十騎扞敵得却至夜引還
柱國王雄力戰死之遂班帥揚擲於軹關戰沒權景宣亦
棄豫州而還是歲突厥西米特寺國並遣使朝貢

五年春正月甲申朔以柱國王雄死王事故廢朝乙巳以
雄世子謙為柱國二月辛丑詔陳公純等逆皇后于突厥
景寅以柱國李穆為大司空綏德公陸通為大司寇壬申
行幸岐州戊子柱國且盧寧薨夏四月齊武成帝禪位於
其太子緯自稱太上皇帝五月己亥左右武伯各置中大
夫一人六月庚申彗星出三台入文昌犯上將經紫宮入
苑漸長丈餘百餘日乃滅辛未詔江陵人年六十五已上

為官奴婢者已令放免其公私奴婢年七十以外者所

官私宜贖為庶人秋七月辛巳朔日有蝕之庚寅行幸秦
州降死罪已下刑辛丑遣大使巡察天下八月景子市駕
至自秦州冬十月辛亥改函谷關城為通洛防十一月丁
未陳人來聘是歲吐谷渾遣使朝貢

天和元年春正月己卯朔日有蝕之辛巳考路寢命羣臣
賦古詩京邑耆老亦會焉頒賜各有差癸未大赦改元百
官並加四級己亥親耕籍田丁未於宮曰國置宕州遣小
戴師杜果使於陳二月戊辰詔三公已下各舉所知庚午
日關光遂微日中見鳥二月景午祀南郊夏四月辛亥雩

定月陳文帝殂三月庚辰帝御正武殿集羣臣親講禮記
谷渾龍涸王莽言曰率戶內附以其地為扶州甲午詔曰
子乙卯禮云不樂哀凱表昆吾之稔杜賈有揚鱗之文
世道喪亂禮儀之系毀此典茫然已墜於地宜依是日有
停樂庶知為君之難為臣不易貽之後昆邪鑒戒在六
月景年以六將軍辛威為柱國秋七月戊寅築武功郿斜
谷武都留谷津坑諸城以置軍人壬午詔諸曹子入學但
束脩於師不勞釋奠釋奠者學成之祭自今即為祠式八
月己未詔諸君三年之喪或負土成墳或寢苦骨立之士
一行可稱揚者本部官三隨事上言當加弔勉以勵薄俗

九月乙亥信州蠻反詔開府陸騰討平之冬十月甲子初
造山雲傳以備六代樂十一月景成行幸武功等城十二
月庚申還宮

二年春正月癸酉朔日有蝕之己亥親耕籍田三月癸酉
改武遊園為道會苑丁亥初立郊丘壇壝制度夏四月乙
巳省併東南諸州以大將軍陳公純為柱國六月辛亥尊
所生叱奴氏為皇太后閏月庚午地震戊寅陳湘州刺史
華皎帥眾來附壬辰以大將軍譙公儉為柱國秋七月辛
丑梁州上言鳳凰集楓樹羣鳥列侍以萬數甲辰立路門
學置生七十二人壬子以太傅燕公于謹為雍州牧九月

衛公直等與陳將淳于量吳明徹戰于洧口王師敗績元
定以步騎數千先度遂沒江南冬十一月戊戌朔日有蝕
之癸丑太保許國公宇文貴薨是歲突厥吐谷渾安息等
國並遣使朝貢

三年春正月辛丑祀南郊三月癸卯皇后阿史那氏至自
突厥甲辰大赦丁未大會百寮及賓客於路寢戊午太傅
燕公于謹薨夏四月辛巳以太保達奚武為大傅大司馬
尉迴為太保柱國齊公憲為大司馬五月庚戌享太廟六
月甲戌有星孛於東井秋七月壬寅柱國隋公楊忠薨八
月乙丑韓公元羅薨齊人來聘請和親詔軍司馬陸逞報

聘癸酉帝御大德殿集百寮及沙門道士等親講禮記冬
十月癸亥享太廟丁亥上親帥六軍講武於城南京邑觀
者輿馬彌漫數十里諸蕃使咸在焉十一月壬辰朔日有
蝕之壬子遣開府崔彥穆使於齊甲寅陳安成王瑱廢其
主伯宗而自立辛未齊武成帝殂

四年春正月辛卯朔以齊武成殂故廢朝遣司會李綱等
會葬於齊二月戊辰帝御大德殿集百寮道士沙門等討
論釋老夏四月己巳齊人來聘五月己丑帝製象經成集
百寮講說封魏賡平公子元謙為韓國公以紹魏後丁巳
柱國吳公尉綱薨六月築原州及涇州東城秋七月突厥

遣使獻馬柱國昌寧公長孫儉薨

五年春三月甲辰初令宿衛官住關外者將家累入京不
樂者解宿衛夏四月甲寅以柱國宇文盛為大宗伯省帥
都督官景寅遣大使巡察天下六月景子以皇女生故降
宥罪人并免逋租懸調冬十月辛巳朔日有蝕之丁酉太
傅鄭公達奚武薨十一月丁卯柱國幽公廣薨十二月癸
巳大將軍鄭恪帥師平越舊置西寧州是月齊將斛律光
侵邊於汾北築城自華谷至龍門

六年春正月己酉朔以路門未成故廢朝丁卯以大將軍
王傑譚公會鴈門公田弘魏公柔暉等並為柱國三月己

酉齊公憲自龍門度河斛律光退保華谷憲攻拔其新築

五城夏四月戊寅朔日有蝕之辛卯信州蠻反遣大將軍

趙閭帥師討平之庚子以大將軍司馬消難侯莫陳瓊大

安公閻慶神武公竇毅南陽公叱羅協平高公侯伏侯龍

恩並為柱國五月癸亥遣納言鄭詡使於陳景寅以大將

軍李諱中山公訓祀公亮上庸公陸騰安義公宇文丘北

平公寇紹許公宇文善捷為公高琳鄭公達奚震隴東公

楊纂常山公于翼並為柱國六月乙未以大將軍太原公

王秉為柱國是月齊將段孝先攻陷汾州秋七月乙丑以

大將軍越公盛為柱國八月癸酉省掖庭四夷樂後宮羅

緝工五百餘人冬十月壬午翼公通薨乙未遣右武伯谷
會琨使於齊壬寅上親帥六軍講武於城南十一月壬子
以大將軍梁公侯莫陳芮大將軍李意並為柱國景辰齊
人來聘丁巳行幸散關十二月己丑還宮是冬牛疫死者
十六七

建德元年春正月戊午帝幸玄都觀親御法座講說公卿
道俗論難事畢還宮降死罪及流罪一等其五歲刑已下
並宥之二月癸酉遣大將軍昌城公深使於突厥司宗李
際使於齊乙酉柱國安義公宇文士彥二月癸卯朔日有
蝕之齊人來聘景辰誅大冢宰晉公護及其子柱國譚公

會年柱國侯伏侯龍恩及其弟大將軍董自
等大赦改元罷中外府癸亥以太傅尉迥為太師本國實
熾為大傅大司空李穆為太保齊公憲為大冢宰衛公直
為大司徒趙公招為大司空柱國辛威為大司空寇綏德公
陸通為大司馬詔曰人勞不止則星動於天作事不時則
石言於國頃興造無度徵發不已加以頻歲師旅農畝廢
業去秋災蝗年穀不登自今正調以外無妄徵發夏四月
甲戌以代公達滕公道並為柱國己卯詔公卿已下各舉
所知遣工部代公達使於齊景成詔百官軍人上封事極
言得失丁亥詔斷四方非常貢獻庚寅追尊略陽公為孝

閔皇帝癸巳立魯公贊為皇太子大赦百官各加封級五月壬戌以大旱集百官於庭詔之曰亢陽不雨豈朕德薄刑賞乖中歟將公卿大臣或非其人歟宜盡直言無有所隱公卿各引咎自責其夜澍雨六月庚子改置宿衛官負秋七月辛丑陳人來聘九月庚子朔日有蝕之庚申扶風掘地得玉盃以獻冬十月庚午詔江陵所獲俘虜充官口者悉免為百姓辛未遣小匠師楊勰使於陳大司馬綏德公陸通薨十一月景午上親御六軍講武于城南庚戌行幸羌橋集京城東諸都督以上頒賜各有差乙卯還宮壬戌以大司空趙公招為大司馬十二月壬申行幸斜谷集京城以西諸軍都督以上頒賜有差景戌還宮己丑帝御正武殿親錄囚徒至夜而罷庚寅幸道會苑以上善殿壯麗遂焚之

二年春正月辛丑祀南郊乙巳以柱國田弘為大司空大將軍若千鳳為柱國庚戌復置帥都督官乙卯享太廟閏月己巳陳人來聘二月甲寅詔皇太子贊巡撫西土壬戌遣司會侯莫陳凱使於齊省雍州內八部併入京兆馮翊扶風咸陽等郡三月己卯皇太子於岐州獲白鹿二以獻詔荅曰在德不在瑞癸巳省六府諸司中大夫以下官府置四司以下大夫為官之長上士貳之夏四月己亥享太

廟景辰增改東宮官員五月丁丑以柱國侯莫陳瓊為大
宗伯滎陽公司馬消難為大司寇上庸公陸騰為大司空
六月庚子省六府員外諸官皆為丞壬子皇孫衍生文武
官普加一級大階大選諸軍將帥景辰帝御路寢集諸軍
將勳以戎事庚申詔諸軍旗旌皆畫以猛獸鷲鳥之象秋
七月己巳享太廟自春末不雨至於是月壬申集百寮於
大德殿帝責躬罪已問以時政得失戊子雨八月景午改
三夫人為三妃關中大蝗九月乙丑陳人來聘戊寅詔曰
頃者婚嫁競為奢靡有司且加宣勅使遵禮制冬十月癸
卯齊人來聘甲辰奏六代以承成帝御崇信殿集百官觀之
十一月辛巳帝親帥六軍講武於城東癸未集諸軍都督
以上五十人於道會苑六射西親臨射堂大備軍容十二
月癸巳集羣官及沙門道士等帝升高座辨釋二教先後
以儒教為先道教次之佛教為後以天將軍赫連達為柱
國詔軍人之間年多老且壽可法授老職使榮沾邑里戊午
聽訟於正武殿自旦及夜繼之以燭
三年春正月壬戌朝羣臣於昭陽門冊柱國齊公憲衛公直
趙公招譙公儉陳公純越公盛代公達滕公迥並進爵為
王己巳享太廟庚午突厥遣使獻馬癸酉詔自今男年十
五女年十三以上爰及鰥寡所在以時嫁娶務從節儉乙

亥親耕籍田景子初服短衣直二十四軍督將以下試以
軍旅之法縱酒盡歡詔以往歲年穀不登令公私道俗凡
有貯積粟麥者皆準口聽留已外盡糶二月壬辰朔日有
蝕之丁酉紀公康畢公賢鄴公貞宋公實漢公替秦公贄
曹公允並進爵為王景午令六府各舉賢良清正之士癸
丑柱國許公宇文善有罪免景辰大赦三月癸酉皇太后
叱奴氏崩帝居倚廬朝夕共一溢米君臣表請累旬乃止
詔皇太子贊摠庶政夏四月乙卯齊父來弔賜會葬丁巳
有星孛於東井五月庚申葬又宣后於永固陵帝袒跣至
陵所辛酉詔曰齊斬之情經茲稍葬近代公革遂亡斯禮

伏奉遺令既葬便除繁慕凡禮之情實采忍三年之喪達於

天子古今無易之道王者之所常行但時有未諧不得全
制軍國務重庶有聽朝衰麻之節若廬之禮率遵前典以
申罔極百寮以下宜遵遺令公卿上表固請俯就權制過
葬即吉帝不許引古若之君葬臣乃止於是遂申三年之制
五服之內亦令依禮初置太子諫議員四人文學十人皇
子皇弟及員各二人學士六人戊辰詔故晉公護及諸子
並追復先封改葬加謚景子初斷佛道二教忽像悉毀罷
沙門道士並令還俗并禁讀法祀非祀典所載者盡除之
六月丁未集諸軍將教以戰陣之法壬子更鑄五行大布

錢以一當十與布泉錢並行六年詔曰至道弘深混成無
際體包空有理極幽玄但岐路既分源流逾遠淳離朴散
形器斯乖遂使三墨八儒朱此亦交競九流七略異說相騰
道隱小成其來舊矣不有會歸師事驅靡息今可立通道觀
聖哲微言先賢典訓金科玉笈不秘顯玄文可以濟養黎元
扶成教義者並宜弘闡一以無二之但夫翫培塿者識嵩岱
之崇岵守積礫者悟渤澥之深澄亦可乎秋七月庚申
行幸雲陽宮乙酉衛王直在古小反以突入肅章門司武尉
遲運等拒守直敗遁十化戊子壬申駕至自雲陽宮八月辛卯
禽直於荊州免為庶人冬十月景中詔御正揚尚希使於

陳庚子詔蒲州人遭飢乏絕者令向鄆城以西及荊州管

內就食甲寅行幸蒲州乙卯曲赦蒲州見囚大辟以下景
辰行幸同州十一月戊午于闐遣使獻名馬已巳大閱於
同州城東甲戌車駕至自同州十二月戊子大會衛官及
軍人以上賜錢帛各有差景申改諸軍軍人並名侍官癸
卯集諸軍講武於臨臯澤涼州比年地震壞城郭地裂涌
泉出

四年春正月戊辰初置心宮軍器監壬申布寬大之詔多所
蠲免二月景戌朔日有蝕之辛卯改置宿衛官員已酉柱
國廣德公李音着罪免三月景辰遣小司寇元衛使於齊

郡縣各貢主簿一人甲戌以柱國趙王招為雍州牧夏四月甲午柱國燕公于實有罪免丁酉初令上書者並為表於皇太子以下稱啓秋七月己未禁五行大布錢不得出入關布泉錢聽入而不聽出甲戌陳人來聘景子召大將軍以上於大德殿帝親諭以伐齊之旨言往以政出權宰無所措懷自親覽萬機便圖東討惡衣菲食繕甲練兵數年以來戰備稍足而為主昏虐恣行無道伐暴除亂斯實其時羣臣咸稱善丁丑下詔暴齊之過惡以柱國陳王純為前一軍總管梁陽公司馬消難為前一軍總管鄭公達奚震為前三軍總管越王盛為後一軍總管周昌公侯莫

陳瓊為後二軍總管

趙王招為後三軍總管齊王憲帥眾

二萬趣黎陽隋公楊堅廣寧公侯莫陳迴舟師三萬自渭入河柱國梁公侯苗陳芮帥眾一萬守太行道中國公李穆帥眾三萬守河東道常山公于翼帥眾二萬出陳汝壬午上親帥六軍眾一萬直指河陰八月癸卯入齊境禁伐樹殘苗稼犯者以軍法從事丁未上親帥諸軍攻拔河陰大城攻子城未剋上有疾九月辛酉夜班師水軍焚舟而退齊王憲于翼李穆等所在剋捷降拔三十餘城皆棄而不守唯以王藥城一要害令儀同三司韓正守之正尋以城降齊戊寅至自東伐冬十月戊子初置上柱國上大將軍

官改開府儀同三司為開府儀同大將軍又置上開府正
儀同官閏月以柱國齊王憲蜀公尉遲迥為上柱國詔諸
畿郡各舉賢良十一月己亥改置司內官員十二月辛亥
朔日有蝕之景子時父來聘是歲岐寧二州人飢開倉振
恤

五年春正月辛卯行幸河東涑川集關河東諸軍校獵甲
午還同州丁酉詔分遣大使周省四方察訟聽謠問人血
隱廢布泉錢戊申初令鑄錢者至絞從者遠配二月辛酉
遣皇太子贊之撫西土仍討吐谷渾三月壬寅車駕至自
同州又宣皇太后服再葬戊申祥夏六月戊申朔日有蝕
之辛亥享太廟景帝利州摠管紀王康有罪賜死秋七月
乙未京師旱八月戊申皇太子入吐谷渾至伏侯城而還
乙丑陳人來聘九月丁丑大醮於正武殿以祈東伐冬十
月帝復諭羣臣伐齊以去歲屬有疹疾遂不得剋平逋寇
于時出軍河外直為撫背未扼其喉然晉州本高歡所起
統攝要重今往攻之彼必來援嚴軍以待擊之必剋然後
乘破竹之勢鼓行而東足以窮其窟穴諸將多不願行帝
曰機者事之微不可失矣沮軍事者以軍法裁之己酉帝
摠戎東伐以越王盛為右一軍摠管杞公亮為右二軍摠
管隋公楊堅為右三軍摠管譙王儉為左一軍摠管大將

軍竇泰為左二軍摠管廣化公丘崇為左三軍摠管齊王
憲陳王純為前軍癸亥帝至晉州遣齊王憲帥精騎二萬
守雀鼠谷陳王純步騎二萬守千里徑鄭公達奚震步騎
一萬守統軍川大將軍韓明步兵五千守齊子嶺烏氏公
尹升步騎五千守鼓鍾鎮涼城公辛韶步騎五千守蒲津
關柱國趙王招步騎一萬自華谷攻汾州諸城柱國宇文
盛步兵一萬守汾水關遣內史王誼監六軍攻晉州城帝
屯於汾曲齊王憲攻洪洞永安二城並拔之是夜虹見於
晉州城上立自向南尾入紫宮帝每日自汾曲赴城下親督
戰庚午齊行臺丞侯子欽出降壬申齊晉州刺史崔嵩
夜密使送款上開府王軌應之未明登城遂克晉州甲戌
以上開府梁士彥為晉州刺史以鎮之十一月己卯齊主
自并州帥眾來援帝以其兵新集且避之乃詔諸軍班師
齊主遂圍晉州齊王憲屯諸軍於涑水為晉州聲援河東
地震癸巳至自東伐獻俘于太廟景申放齊諸城鎮降人
還丁酉帝發京師壬寅度河與諸軍合十二月戊申次晉
州庚戌帝帥諸軍八萬置陣東西二十餘里乘常御馬從
數人巡陣所至輒呼主帥姓名以慰勉之將士感見知之
思各思自厲將戰有司請換馬帝曰朕獨乘良馬何所之
齊主亦於漸北列陣申後齊人填漸南引帝大喜勒諸軍

擊之齊人便退齊主與其麾下數十騎走還并州齊衆大潰軍資用仗數百里間委棄山積辛亥帝幸晉州仍率諸軍追齊主諸將固請還師帝曰縱敵患生卿等若疑朕將獨往諸將不敢言甲寅齊主遣其丞相高阿那肱守高壁帝麾軍直進那肱望風退散景辰師次介休齊將韓建業舉城降以爲上柱國封郟國公丁巳大軍次并州齊主留其從兄安德王延宗守并州自將輕騎走鄴是日詔齊王公以下示以逆順之道於是齊將帥降者相繼戊午高延宗僭即偽位改年曰德昌己卯軍次并州帝帥諸軍合戰齊人退帝逐北及城東門諸軍連城置陣至夜延宗帥其衆排陣而前城中軍却人相蹂踐大爲延宗所敗齊人欲開門以闔下使尸葬不得闔帝從數騎崎嶇危險僅得出門至明帥諸軍更戰大破之禽延宗并州平壬戌詔曰昔天厭水運龍戰於野兩京不隔四紀于茲朕垂拱巖廊君臨宇縣相邠人於海內混楚弓於天下一物失所有若推溝方欲德綏未服義征不諛僞主高緯放命燕齊忌慢典刑倣擾天紀加以背惠怒隣棄信忘義朕應天從物伐罪弔人一鼓而蕩平陽再舉而摧強敵僞署王公相繼道左高緯智窮數屈逃竄草間僞安德王高延宗擾攘之間遂竊名號與僞齊昌王莫多婁敬顯等收合餘燼背城借一

王威既振魚潰鳥離破竹更難建瓴非易延宗衆散杵甲
軍門根本既傾枝葉自實幽青海岱折簡而來異北河南
傳檄可定八紘共貫六合同風方當偃伯靈臺休牛桃塞
無疆之慶非獨在于漢皇約法除其苛政姬王輕典刑彼
新邦思覃惠澤被之率土新集臣庶皆從蕩滌可大赦天
下高緯及王公以下若釋然歸順咸許自新諸亡入偽朝
亦從寬宥官榮次序依例無失齊制偽令即宜削除鄒魯
搢紳幽并騎士一介可稱並宜銓錄景寅出齊宮中金銀
寶器珠玉璽服及宮女二千人班賜將士以柱國趙王招
陳王純越王盛杞公亮梁公侯莫陳芮庸公王謙北平公

冠絕真公遠矣 爲上柱國封齊王憲子安城郡公質

爲河間王諸有功者封授各有差矣西帝帥六軍趣鄴

六年春正月乙亥齊主傳位於其太子伯改年曰承光自

號太上皇壬辰帝至鄴癸巳帥諸軍圍之齊人拒守諸軍

奮擊大破之遂平齊主先送其母及妻子於青州及城陷

帥數十騎走青州遣大將軍尉勤追之是戰也於陳獲其

齊昌王莫多婁敬顯帝數之曰汝有死罪三前從并州走

鄴棄母攜妻妾是不孝外爲心主此力內實通啓於朕是

不忠送款之後猶持兩端是不信如此用懷不死何待遂

斬之是日西方有聲如雷甲子帝入鄴城詔去年大赦班

宣未及之處皆從赦例己亥詔曰晉州大陣至鄴身殞戰
場者其子即授父本官尉勒命以齊及其太子恒於青州
庚子詔曰偽齊之末姦倖擅權濫罰淫刑動挂羅網偽右
丞相咸陽王故解律明月偽侍中特進開府故崔季舒等
七人或功高獲罪或直言見誅朕兵以義動翦除凶暴表
閭封墓事切下車宜追贈謚并加定措其見在子孫各隨
蔭叙錄家口田宅沒官者並蠲之辛丑詔偽齊東山南園
及三臺並毀撤瓦木諸物凡入用者盡賜百姓山園之口
各還本主二月景午論定諸軍十動置酒於齊太極殿會軍
士以上班賜有差丁未齊主至帝降自降階見以賓主禮

齊任城王浩在冀州擁兵未下遣上柱國齊王憲與柱國
隋公楊堅討平之齊范陽王高紹義叛入突厥齊諸行臺
州鎮悉降關東平合州五十五郡一百六十二縣三百八
十五戶三十萬二千五百二十八口二千萬六千八百八
十六乃於河陽及幽青南兗豫徐北朔定州置總管府相
并二總管各置官及六府官癸丑詔自偽武平三年以來
河南諸州人偽齊破掠為奴婢者不問公私並放免之其
住在淮南者亦即聽還願住淮北者可隨便安置癸丑孤
老不能自存者所在矜恤乙卯車駕發自鄴三月壬午詔
山東諸州各舉士夏四月乙巳至自東伐列齊主於前其

王公等並從車輿旌旗及器物以次陳於其後大駕布六
軍備凱樂獻俘於太廟京邑觀者皆稱萬歲戊申封齊主
為溫國公庚戌大會群臣及諸蕃客於路寢乙卯廢蒲陝
涇寧四州摠管己巳享太廟詔分遣使人巡方撫慰觀風
省俗五月丁丑以柱國譙王儉為大冢宰庚辰以上柱國
杞公亮為大司徒鄭公達奚震為大宗伯梁公侯莫陳芮
為大司馬柱國應公獨孤末業為大司寇鄭公韋孝寬為
大司空辛巳大醮於正武殿以報功己丑祀方丘詔曰往
者冢臣專任制度有違正殿別寢事窮壯麗非直彫墻峻
宇深戒前王而締構弘敞有踰清廟不軌不物何以示後

兼東夏初平人未見德率先海山宜自朕始其路寢會

崇信含仁雲和思齊諸殿等農隙之時悉可毀撤彫斲之
物並賜貧人繕造之宜務從卑朴戊戌詔曰京師宮殿已
從撤毀并鄴二所華侈過度誠復作之非我豈容因而弗
革諸堂殿壯麗並宜除蕩堯宇雜物分賜窮人三農之隙
別漸營構止蔽風雨務在卑狹庚子陳人來聘是月青城
門無故自崩六月辛亥御正武殿錄囚徒甲子東巡丁卯
詔曰自今不得娶母同姓以為妻妾秋七月景戌行幸洛
州己丑詔山東諸州舉有才望者赴行在所共論政事得
矣八月壬寅議權衡度量頒於天下其不依新式者悉追

停之詔曰以刑止刑以輕代重罪不及嗣皆有定科雜役之徒獨異常憲一德罪配百代不免罰既無窮刑何以措凡諸雜戶悉放為百姓配雜之科因之永削甲子鄭州獻九尾狐皮肉銷盡骨體猶具帝曰瑞應之來必昭有德若使五品時序四海和平家識孝慈乃能致此今無其時恐非實錄乃令焚之九月壬申以柱國鄧公實熾申公李穆為上柱國戊寅初令庶人以上非朝祭之服唯得衣綢綿緋絲布圓綾紗絹絹葛布等九種壬辰詔東土諸州儒生明一經以上並舉送州郡以禮發遣冬十月戊申行幸鄴宮戊午改葬德皇帝於冀州帝服緦哭於太極殿百官素

服哭是月誅溫公高緯十一月壬申封皇子充為道王充

為蔡王癸酉陳將吳明徹侵呂梁徐州摠管梁士彥與戰不利退守徐州遣上大將軍鄒公王軌討之是月稽胡反遣齊王憲討平之詔自永熙三年七月以來十月以前東土人被鈔在化內為奴婢者及平江陵日良人沒為奴婢者並免同人伍詔曰正位於中有聖通典質文相革損益不同五帝則四星之象三王制六宮之數劉曹已降等列彌繁選擇徧於生靈命秩方於庶職椒房丹地有眾如雲本由嗜欲之情非關風化之義朕運當澆季思復古始弘贊後庭事從簡約可置妃二人世婦三人御妻三人自茲

以外宜悉減省己亥晦日有蝕之初行刑書要制持杖羣
強盜一疋以上不持杖羣強盜五疋以上監臨主掌自盜
二十疋以上小盜及詐請官物三十疋以上正長隱五戶
及十丁以上隱地三頃以上皆至死刑書所不載者自依
律科十二月北營州刺史高寶寧據州反庚申行幸并州
宮移并州軍人四萬戶於關中戊辰廢并州宮及六府是
歲吐谷渾百濟並遣使朝貢

宣政元年春正月癸酉吐谷渾偽趙王他婁屯來降壬午
行幸鄴宮辛卯幸懷州癸巳幸洛州詔於懷州置宮二月
辰柱國大冢宰譙王儉薨丁巳車駕至自東巡乙丑以

上柱國越王盛為大冢宰陳王純為雍州牧三月戊辰於
蒲州置宮廢同州及長春二宮壬申突厥遣使朝貢甲戌
初服常冠以皂紗為之加簪而不施纓導其制若今之折
角巾也上大將軍王軌破陳師於呂梁禽其將吳明徽等
俘斬三萬餘人丁亥詔柱國豆盧寧征江南武陵南平等
郡所有士庶為人奴婢者悉依江陵放免壬辰改元夏四
月壬子初令遭父母喪者聽終制庚申突厥入寇幽州五
月己丑帝勅戎北伐遣柱國原公姬願東平公宇文神舉
等五道俱入發關中公私馬驢悉從軍癸巳帝不豫止于
雲陽宮景申詔停諸軍六月丁酉帝疾甚還京其夜崩於

乘輿時年三十六遺詔曰人肖形天地稟質五常脩短之
期莫非命也朕君臨宇縣十有九年未能使百姓安樂刑
措不用未旦求衣分宵忘寢昔魏室將季海內分崩太祖
扶危翼傾肇開王業燕趙榛蕪又竊名號朕上述先志下
順人心遂與王公將帥共平東夏雖復袂氛蕩定而人勞
未康每一念如此若臨冰谷將欲包舉六合混同文軌今
遘疾大漸力氣稍微有志不申以此歎息天下事重萬機
不易王公以下爰及庶寮宜輔導太子副朕遺意令上不
負太祖下無失為臣朕雖瞑目九泉無所復恨朕平生居
處每存菲薄非直以訓子孫亦乃本心所好喪事資用須

使儉而合禮墓而不墳自古通典隨古即葬葬訖訖公除四

方士庶各三日哭妃嬪以下無子者悉放還家謚曰武皇
帝廟稱高祖己未葬於孝陵帝沉毅有智謀初以晉公護
專權常自晦迹人莫測其深淺及誅護之後始親萬機克
已勤精聽覽不忘用法嚴整多所罪殺號令懇惻唯屬意
於政羣下畏服莫不肅然性既明察少於恩惠凡布懷立
行皆欲踰越古人身衣布袍寢布被無金寶之飾諸宮殿
華綺者皆撤毀之改為土階數尺不施檀拱其彫文刻鏤
錦繡纂組一皆禁斷後宮嬪御不過十餘人勞謙接下自
強不息以海內才康銳情教習至於校兵閱武步行山谷

復涉勤苦皆人所不堪平齊之役見軍士有跣行者帝親
脫靴以賜之每宴會將士必自執盃勸酒或手付賜物至
於征伐之處躬在行陣性又果決能斷大事故能得士卒
死力以弱制強破齊之後遂欲窮兵極武平突厥定江南
一二年間必使天下一統此其志也

宣皇帝諱彥字乾伯武帝長子也母曰李太后武成元年
生於同州保定元年五月景午封魯國公建德元年四月
癸巳武帝親告廟冠於阼階立為皇太子二年詔皇太子
巡撫西土文宣后崩武帝諒闇詔太子摠朝政五旬而罷
武帝每巡幸四方太子常留監國五年二月又詔太子巡

西土因討吐谷渾宣政元年六月丁酉武帝崩戊戌太子
即皇帝位尊皇后曰皇太后甲子誅上柱國齊王憲閏月
乙亥詔山東流人新復業及突厥侵掠家口破亡不能存
濟者給復一年立妃楊氏為皇后辛巳以上柱國趙王招
為太師陳王純為太傅柱國代王達滕王迥盧公尉遲運
薛公長孫覽並為上柱國是月幽州盧昌期據范陽反詔
柱國東平公宇文神舉討平之秋七月乙巳享太廟三年
祀圓丘戊申祀方澤庚戌以小宗伯岐公斛斯徵為太宗
伯壬戌以南兗州摠管隋公楊堅為上柱國大司馬癸亥
尊所生李氏為帝太后八月景寅夕月於西郊長安萬年

二縣人居京城者給復二年壬申幸同州遣大使巡察諸
州制九條宣下州郡其母族絕服外者聽婚以上柱國薛
公長孫覽為大司徒柱國楊公王誼為大司空景戎以柱
國永昌公椿為大司寇九月丁酉以柱國宇文盛張掖公
王傑枹罕公辛威鄭國公章孝實並為上柱國庚戌封皇
弟元為荆王詔諸應拜者皆以三拜成禮冬十月癸酉至
自同州戊子自濟遣使朝貢十一月己亥講武於道會苑
帝親擐甲是月突厥犯邊圍酒泉殺掠吏士十二月甲子
以柱國畢王賢為大司空己丑以上柱國河陽摠管滕王
道為行軍元帥伐陳免京師兒徒並令從軍

大象元年春正月己丑受朝於路門帝服通天冠絳紗袍
羣臣皆服漢魏衣冠大赦改元為大成初置四輔官以大
冢宰越王盛為大前疑蜀公尉遲迥為大右弼申公李穆
為大左輔大司馬隋公楊堅為大後丞癸卯封皇弟衍為
魯王甲辰東巡景午以柱國常山公于翼為大司徒辛亥
以柱國許公宇文善為大宗伯戊午行幸洛陽立魯王衍
為皇太子二月癸亥詔曰河洛之地舊稱朝市自魏氏失
馭滅關為墟我太祖受命鄴鎬有懷光宅高祖往巡東真
布政此宮朕以眇身祇承寶運雖庶幾聖脩之志敢忘燕
翼之心一昨駐蹕金墉備嘗遊覽百王制度基址尚存今

若因循為功易立宜命部事脩復舊都奢儉取文質之間
功役依子來之義北瞻河洛又非遙前詔經營宜停罷
於是發山東諸州兵增一月功為四十五日役起洛陽宮
常役四萬人以迄晏駕并移相州六府於洛陽稱東京六
府殺柱國徐州總管郟公王軌停南討諸軍以趙王招女
為千金公主嫁於突厥乙亥行幸鄴景子初令總管刺史
行兵者加持節餘悉罷之辛巳詔傳位於皇太子行大赦
改元大成為大象帝於是自稱天元皇帝所居稱天臺殿
二十有四旒車服旗鼓皆以二十四為節內史御正皆置
上大夫皇帝行稱正陽宮置納言御正諸衛等官皆准天
臺尊皇太后為天元皇太后癸未日出將入時其中並有
烏色大如鷄卵經四日乃滅戊子以大前疑越王盛為大
傅大右弼蜀公尉迴為大前疑代王達為大右弼辛卯詔
徙鄴城石經於洛陽又詔洛陽凡是元遷戶並聽還洛州
此外欲往者聽之河陽幽相豫亳青徐七總管受東京六
府處分三月庚申車駕至自東巡大陳軍伍親擐甲胄入
自青門皇帝行備法駕從百官迎於青門外是時驟雨儀
衛失色辛酉封趙王招第二子貫為永康縣王夏四月壬
戌朔有司奏言日蝕不視事過時不蝕乃臨軒立妃朱氏
為天元帝后癸亥以柱國畢王賢為上柱國己巳享太廟

壬午大醮於正武殿五月辛亥以洛州襄國郡為趙國齊
州濟南郡為陳國豐州武當安富二郡為越國潞州上黨
郡為代國荊州新野郡為滕國邑各一萬戶令趙王招陳
王純越王盛代王達滕王道並之國是月遣使簡視京城
及諸州士庶女充選後宮突厥寇并州六月咸陽有池水
變為血徵山東諸州入修長城秋七月庚寅以大司空畢
王賢為雍州牧大後承隋公楊堅為大前疑柱國榮陽公
司馬消難為大後承景申納大後承司馬消難女為正陽
宮皇后已酉尊帝太后李氏為天皇太后壬子改天元帝
后朱氏為天皇皇后立妃元氏為天右皇后妃陳氏為天左
皇后八月庚申幸同州壬申還宮田戊以天左皇后父大
將軍陳山提天右皇后父開府元景並為上柱國初武帝
作刑書要制用法嚴重及帝即位恐物情未附除之至是
為刑經聖制其法深刻大醮於正武殿告天而行焉壬午
以上柱國雍州牧畢王賢為大師上柱國郇公韓建業為
太左輔是日所在蝥羣鬪各四五尺死者十八九九月已
卯以鄴王貞為大冢宰上柱國鄭公韋孝實為行軍元帥
率行軍總管杞公亮郟公梁士彥伐陳遣御正杜果使於
陳冬十月壬戌幸道會苑大醮以高祖武皇帝配醮初復
佛像及天尊象帝與二象俱南坐大陳雜戲令京城士庶

縱觀是月相州人段德舉謀反伏誅十一月乙未夜行幸
同州壬寅還宮乙巳初鑄永通萬國錢以一當千與五行
大布並行是月辛卯寬被壽陽杞國公亮拔黃城梁士彥
拔廣陵陳人退走於是江北盡平十二月戊午以災異屢
見帝御路寢見百官詔曰朕以寡德君臨區寓始於秋季
及此玄冬幽憂殷勤屢貽深戒至有金入南斗木犯軒轅
熒惑干房又與去冬流星照夜東南而下然則南斗主於
爵祿軒轅爲於德官房白明堂布政所也火土則憂孽之
兆流星乃兵凶之驗豈其宮人失序女謁尚行政事垂方
憂患將至何其昭著若斯之甚將避正寢齋居克念惡衣
減膳去飾徹懸心披不諱之誠開直言之路欲使刑不濫及
賞弗踰等選舉以才官闈修德宜宣諸內外庶盡弼諧允
叶人心用消天譴於是舍仗衛往天興宮百官上表勸復
寢膳許之甲子還宮御正武殿集百官及宮人內外命婦
大列妓樂又縱胡人乞寒用水澆沃以爲戲樂乙丑行幸
洛陽帝親御驛馬日行三百里四皇后及文武侍衛數百
又並乘駟以從今四石方駕齊驅或有先後便加譴責人
馬頓仆相屬於道己卯還宮

二年春正月丁亥帝受朝于道會苑癸巳享太廟乙巳造
二宸畫日月象以置左右戊申雨雪雪止又雨細黃土移

時乃息乙卯詔江右諸州新附人給復二十年初稅入市
者人一錢二月丁巳帝幸路門學行釋奠禮戊午突厥遣
使獻方物且逆千金公主乙丑改制詔為天制敕為天救
奠天元皇太后為天元上皇太后天皇太后李氏曰天元
聖皇太后癸未立天元皇后楊氏為天元大皇后天皇后
朱氏為天大皇后天右皇后元氏為天右大皇后天左皇
后陳氏為天左大皇后正陽宮皇太后直稱皇后是月洛陽
右禿鷲鳥集新太極殿前榮州有黑龍見與赤龍鬪於汴
水側黑龍死三月丁亥賜百官及百姓大酺詔進封孔子
為鄒國公邑數準榷鼻立後承襲廟於京師置廟以時祭

奠天子行軍摠管杞公亮舉兵反行軍元帥韋孝實獲而
殺之辛卯行幸同州增候正前驅式道為三百六十重白
應明至赤岸澤數十里間幡旗相蔽鼓樂俱作又令武賁
持鋌馬上稱警蹕以至同州乙未改同州宮為天成宮庚
子車駕至自同州詔天臺侍衛皆着五色及紅紫綠衣以
雜色緣名曰品色衣有大事與公服閒服之壬寅詔內外
命婦皆執笏其拜宗廟及天臺皆俛伏甲辰初置天中大
皇后立天左大皇后陳氏為天中大皇后立妃尉遲氏為
天左大皇后夏四月己巳享太廟己卯以旱故降見囚死
罪已下壬午幸中山祈雨至咸陽宮雨降甲申還宮令京

城士女於衢巷作音樂以迎候五月甲午帝備法駕幸夫
興宮乞未帝不念還宮詔楊州摠管隋公楊堅入侍疾丁
未追趙越陳代滕五王入朝己酉大漸御正下大夫劉昉
與內史上大夫鄭譯矯制以隋公楊堅受遺輔政是日帝
崩於天德殿時年二十一謚宣皇帝七月景中葬定陵帝
之在東宮也武帝慮其不堪承嗣遇之甚嚴朝見進止與
諸臣無異雖隆寒盛暑亦不得休息性嗜酒武帝遂禁醪
醴不許至東宮帝每有過輒加捶扑嘗謂之曰古來太子
被廢者幾人餘兒豈不堪立邪於是遣東宮官屬錄帝言
語動作每月奏聞帝懼威嚴矯情將飾以是惡不外聞嗣
位之初方逞其欲大行在殯曾無戚容即通亂帝宮人
纔踰年便恣聲樂來擇天下子女以充後宮好自矜夸飾
非拒諫禪位之後彌復僞奢耽酗於後宮或旬日不出公
卿近臣請事者皆附闕官奏之所居宮殿帷帳皆飾以金
玉珠寶光華炫燿極麗窮奢及營洛陽宮雖未成畢其規
摹壯麗踰於漢魏遠矣唯自尊崇無所顧憚國典朝儀率
情變改後宮位號莫能詳錄每對臣下自稱為天以五色
土塗所御天德殿各隨方色又於後宮與皇后等列坐用
宗廟禮器罇彝珪瓚之屬以次食焉又令羣臣朝天臺者
致齋三日清身一日車旗章服倍於前王之數既自比上

帝不欲令人同已常自帶綬及冠通天冠加金附蟬顧見
侍臣武弁上有金蟬及王公有綬者並令去之又不聽人
有高者大者之稱諸姓高者改為姜九族稱高祖者為長
祖曾為次長祖官稱名位凡謂上及大者改為長有天者
亦改之又令天下車皆渾成為輪禁天下婦人皆不得施
粉黛唯官人得乘有輜車加粉黛焉西陽公溫杞公亮之
子即帝從祖兄其妻尉遲氏有容色因入朝帝遂飲以酒
逼而媼之亮聞之懼謀反纔誅溫即追尉遲氏入宮初為
妃尋立為皇后每左右侍臣論議唯欲興造革易未嘗言
及政事其後遊戲無節出入不節羽儀仗衛晨出夜還或
幸天興宮或遊道會苑陪侍之官皆不堪命散樂雜戲魚
龍爛漫之伎常在目前好令京城少年為婦人服飾入殿
歌舞與後宮觀之以為喜樂擯斥近臣多所猜怨又吝於
財略無賜與恐君臣規諫不得行已之志常遣左右密伺
察之動止所為莫不抄錄小有乖違輒加其罪自公卿以
下皆被楚撻其間誅戮黜免者不可勝言每捶人皆以百
二十為度名曰天杖宮人內職亦如之后妃嬪御雖被寵
嬖亦多被杖背於是內外恐懼人不自安皆求有免莫有
固志重足累息以逮於終矣

靜皇帝諱衍後改名闡宣帝之長子也母曰朱皇后建德

二年六月生子東宮大象元年正月癸卯封魯王戊午立
為皇太子二月辛巳宣帝於鄴宮傳位授帝居正陽宮
二年五月乙未宣帝寢疾詔帝入宿路門學己酉宣帝崩
帝入居天臺殿正陽宮大赦停洛陽宮作庚戌上天元上
皇太后尊號為太皇太后天元聖皇太后李氏為大帝太
后天元太皇太后為皇太后天太皇太后朱氏為帝太后其天
中大皇后陳氏天右大皇后元氏天左大皇后尉遲氏並
出俗為尼以柱國漢王贊為上柱國右大丞相上柱國楊
州總管隋公楊堅為假黃鉞左大丞相柱國秦王贊為上
柱國帝居諒闇百官總已以聽於左大丞相壬子以上柱
國鄭公早孝實為相州總管罷入

國許公宇文善神武公竇毅脩武公侯莫陳瓊天安公閻
慶並為上柱國趙王招陳王純越王盛代王達滕王道來
朝庚申復佛道二教辛酉以柱國杞公贊燕公于寔郛公
賀拔伏恩並為上柱國甲子相州總管尉遲通舉兵不受
代詔發關中兵即以韋孝實為行軍元帥討之柱國星王
賢以謀執政被誅以上柱國秦王執真為大冢宰杞公椿為
大司徒己巳詔南定北先衡巴四州人為宇文亮抑為奴
婢者並免之甲戌有赤氣起西大漸東行徧天庚辰罷諸
魚池及山澤公禁者與百姓共之以柱國蔣公梁睿為益

州摠管秋七月甲申突厥送齊范陽王高紹義庚寅申州
刺史李惠起兵庚子詔趙陳越代滕五王入朝不趨劍履
上殿棗州刺史邵公宇文胄舉兵遣大將軍楊素討之青
州摠管尉遲綱舉兵丁未隋公楊堅都督內外諸軍事已
酉鄭州摠管司馬消難舉兵以柱國楊公王誼為行軍元
帥討之壬子趙王招越王盛以謀執政被誅癸丑封皇弟
衍為萊王術為郢王是月豫州襄州摠管諸蠻各帥種落
反八月庚申益州摠管王謙舉兵不受代即以梁睿為行
軍元帥討之庚午韋孝寬破尉迴於鄴迴自殺相州平移
相州於安陽其鄴城及邑毀廢之景子以漢王贊為太師
以上柱國并州摠管申公李弼為太傅以宋王實為大前
疑以秦王贇為大右弼以燕公子實為大左輔己卯以尉
迴平大赦庚辰司馬消難擁眾以魯山甌山二鎮奔陳遣
大將軍元景山追擊之鄭州平沙州帥開府楊永安聚眾
反應王謙遣大將軍達奚儒討之楊素破宇文胄於棗陽
斬之以上柱國神武公竇毅為大司馬以齊公子智為大
司空發相青荆金晉梁州六摠管九月景戌廢河陽摠管
為鎮隸洛州以小宗伯竟陵公楊慧為大宗伯壬辰廢皇
后司馬氏為庶人戊戌以柱國楊公王誼為上柱國庚戌
以柱國常山公子翼化政公宇文忻並為上柱國壬子丞

相去左右號隋公楊堅為大丞相冬十月甲寅日有蝕之
壬戌陳王純以怨執政被誅大丞相隋公楊堅加大冢宰
五府摠於天官戊寅梁睿破王謙斬之傳首京師益州平
十一月甲辰達奚儒破楊永安沙州平丁未上柱國鄭公
韋孝實薨十二月壬子以柱國蔣公梁睿為上柱國丁巳
以柱國邗公楊雄普安公賀蘭慕邨公梁士彥上柱國將軍
新寧公叱列長文武鄉公崔弼度大將軍中山公宇文恩
濮陽公宇文述渭原公和干子任城公王景漁陽公楊欽
上開府廣宗公李崇隴西公李詢並為上柱國庚申以柱
國楚公豆盧勳為上柱國癸亥詔曰太祖受命龍德猶潛
三分天下志扶魏室多所改作冀允上玄文武君官賜姓
者衆本殊國邑實乖朕土不歆非類異骨肉而共蒸嘗不
愛其親嗟行路而叙昭穆且神微革姓本為曆數有歸天
命在人推讓終而弗獲故君臨區宇累世於茲可不仍遵
謙挹之旨久行權宜之制諸改姓者悉宜復舊甲子大丞
相隋公楊堅進爵為王以郡為隋國己巳以柱國沛公鄭
譯為上柱國辛未代王達濛王追並以謀執政被誅壬申
以大將軍長寧公楊勇為上柱國大司馬以小冢宰始平
公元孝矩為大司寇

大定元年春正月壬午改元景成詔戎秩上開府以上職

事下大夫以上外官刺史以上各舉賢之二月甲子帝遜
位于隋居于別宮隋氏奉帝為介國公邑萬戶車服禮樂
一如周制上書不稱表表不稱詔有其文事竟不行隋
開皇元年五月壬申帝崩時年九歲隋志也謚曰靜皇帝
葬恭陵

論曰自東西否隔二國爭強戎馬生郊干戈日用兵連禍
結力敵勢均壇場之事一彼一此山自纒業未親萬機慮
遠謀深以蒙養正及英威電發朝政惟新內難既除外略
方始乃苦心焦思克已勵精勞役為士卒之先居處同足
夫之儉修富國之政務強兵之術兼備人之有豐順天道
而推亡數年之間大勳斯集摠祖宗之宿憤拯東夏之阽
危盛矣哉有成功者也若使聖日之瘳無爽經營之志獲
申贖武窮兵雖見譏於良史雄圖遠略足方駕於前王
識嗣子之非才顧宗祏之至重滯愛同於晉武則哲異於
宋宣但欲威之覆楚期於懲肅義方之教豈若是乎卒使
昏虐君臨女妲回肆毒迹宣后之行事身歿已為幸矣靜帝
越自幼冲紹茲衰統內挾有劉之詐威藩無齊代之強隋
氏因之遂遷龜鼎雖復岷峨投袂翻成凌奪之威漳滏勸
王無救宗周之殞嗚呼以文皇之經啓鴻基武皇之克隆
景業未踰二紀不祀忽諸斯蓋先帝之餘殃非孺子之罪

庚也

周本紀下第十

北史十

隋高祖

隋本紀上第十一

北史十一

隋高祖文皇帝姓楊氏諱堅土名那羅延本弘農華陰人
 漢太尉震之十四世孫也震八世孫燕北平太守鉉鉉子
 元壽魏初為武川鎮司馬因家于神武樹頽焉元壽生太
 原太守惠嘏嘏生平原太守烈烈生寧遠將軍禎禎生皇
 考忠初禎屬魏末喪亂避地中山結義徒以討鮮于修禮
 遂死之周保定中皇考著勲追贈柱國大將軍少保興城
 郡公皇考美鬚髯身長七尺八寸狀貌瓌偉武藝絕倫識
 量深重有將率之略年十八客游泰山會梁丘陷郡國沒
 江南元顥北海王元顥入洛乃與俱歸顥敗余朱度律召為

帳下統軍後從獨孤信屢有軍功又與信從魏孝武西遷
東魏荆州刺史辛纂據穰城皇考從信討之與都督康洛
兒元長生乘城而入彎弓大呼斬纂以徇城中懾服居半
歲以東魏之逼與信俱歸周文帝召居帳下嘗從周文狩
於龍門皇考獨當一猛獸左挾其腰右拔其舌周文壯之
北臺謂猛獸為拚子因以字之從禽竇泰破沙苑陣封襄
武縣公河橋之役皇考與壯士五人力戰守橋敵人不敢
進又與李遠破黑水稽胡并與怡峯解玉壁圍以功歷雲
洛二州刺史芒山之戰先登陷陣除大都督及侯景度江
梁氏喪敗周文將經略乃授皇考都督荆等十五州諸軍
事鎮穰城梁雍州刺史岳陽王蕭詵雖曰稱藩而尚懷貳
心皇考自樊城觀兵漢濱易旗遞進實二千騎登樓堽
之以為三萬懼而服焉又攻梁隨郡剋之獲其守桓和所
過城戍望風請服進圍安陸梁司州刺史柳仲禮恐安陸
不守馳歸赴援諸將恐仲禮至則安陸難下請急攻之皇
考曰仲禮已在近路吾以奇兵襲之舉必剋則安陸不
攻自拔諸城可傳檄而定於是選騎二千銜枚夜進遇仲
禮於滌頭禽之悉俘其衆安陸竟陵竝降梁元帝大懼送
子方略為質并送載書請魏以石城為限梁以安陸為界
皇考乃旋師進爵陳留郡公位大將軍十七年梁元帝逼

其兄邵陵王綸送質於齊欲來寇梁元帝密報周文遣皇
考討之禽綸數其罪殺之初皇考禽柳仲禮遇之甚厚仲
禮至京反譖皇考言在軍大取金寶周文以皇考功重不
問然皇考悔不殺仲禮故至此殺綸皇考間歲再舉蓋定
漢東地甚得新附心魏恭帝賜姓普六茹氏行同州事及
于謹伐江陵皇考爲前軍屯江津遏其走路梁人束刃於
象鼻以戰皇考射之二象反走江陵平周文立蕭瑒爲梁
主令皇考鎮穰城周孝閔踐阼入爲小宗伯及司馬消難
請降皇考與柱國達奚武接之入齊境五百里前後遣三
使報消難皆不反命及去北豫州三十里武疑有變欲還
皇考曰有進死無退生猶以千騎夜趨城下候門開而入
乃馳遣召武時齊鎮城伏敬遠勒甲士三千據東陴舉烽
嚴警武憚之不欲保城乃多取財寶以消難先歸皇考以
二千騎殿到洛南皆解鞍而卧齊衆來追至於洛北皇考
謂將士曰但飽食今在死地賊必不敢度水食畢齊兵陽
若度水皇考馳將擊之齊兵不敢逼遂徐引而還武歎曰
達奚武自言是天下健兒今日服矣進位柱國大將軍武
成元年進封隋國公邑萬戶別食竟陵縣一千戶收其租
賦保定二年爲大司空時朝議與突厥伐齊公卿咸以齊
兵強國富斛律明月不易可當兵非十方衆不可皇考獨

曰方騎足矣明月豎子亦何能為三年乃以皇考為元帥
大將軍楊纂李穆王傑介朱敏及開府元壽田弘慕容近
等皆隸焉又令達奚武帥步騎三萬自南道進期命晉陽
皇考乃留敏據什賁游兵河上皇考出武川過故宅祭先
人饗將士帟卷二十餘城齊人守陞嶺之隘皇考縱奇兵
大破之留楊纂屯靈丘為後拒突厥木杆可汗控地頭可
汗步離可汗等以十萬騎來會

四年正月朔攻晉陽時大雪風寒齊人乃悉其精銳鼓譟
而出突厥引上西山不肯戰衆失色皇考乃率七百人步
戰死者十四五以武後期乃班師齊人亦不敢逼突厥乃
縱兵大掠自晉陽至平城七百餘里人畜無遺周武帝拜

皇考為太傅晉公護以其不附已以為涇州摠管是歲大
軍又東伐晉公護出洛陽令皇考出沃野以應接突厥時
軍糧少諸將憂之皇考曰當獲以濟事耳乃招誘稽胡首
領咸令在坐使王傑盛軍容鳴鼓而出皇考陽怪問之傑
曰大冢宰已至洛陽天子聞銀夏間胡擾動故使傑就攻
除之又令突厥使者馳告曰可汗更入并州留兵馬十萬
在長城下故令問公若有稽胡不服欲來共破之坐者皆
懼皇考慰喻遣之於是歸命饋輸填積屬晉公護先退皇
考亦罷兵而還鎮又以政績稱詔賜錢二十方布五百匹

穀二千斛以疾還京周武及晉公護屢臨視焉薨贈太保
都督同朔等十二州軍事同州刺史本官如故謚曰桓公
開皇元年追尊為武元皇帝廟号太祖帝武元皇帝之長
子也皇妣曰呂氏以周大統七年六月癸丑夜生帝於馮
翊波若寺有紫氣充庭時有尼來自河東謂皇妣曰此兒
所從來甚異不可於俗間處之乃將帝舍於別館躬自撫
養皇妣抱帝忽見頭上出角徧體起鱗隊帝于地尼自外
見曰已驚我兒致今晚得天下帝龍額額上有五柱入頂
目光外射有文在手曰王字長上短下沈深嚴重初入太
學雖至親昵不敢狎也年十四京兆尹薛善辟為功曹十

五以白圭考勳授散騎常侍車騎大將軍儀同三司封成紀

縣公十六遷驃騎大將軍加開府周文帝見而歎曰此兒
風骨非世間人明帝即位授右小宗伯進封大興郡公明
帝嘗遣善相者來和視帝和詭對曰不過柱國既而私謂
帝曰公當為天下君必大誅殺而後定周武帝即位遷小
宗伯出為隋州刺史進位大將軍後徵還遇皇妣寢疾三
年晝夜不離左右以純孝稱宇文護執政尤忌帝屢將害
焉賴大將軍侯伏侯壽等救護以免後龍象爵隋國公周武
既為皇太子娉帝長女為妃益加禮重齊王憲言於周武
曰普六茹堅相貌臣每見之不覺自失恐非人下請早除

之周武曰此止可為將耳內史王軌驟諫曰皇太子非社稷主普六茹堅有反相周武不悅曰必天命將若之何帝甚懼深自晦匿後從周武平齊進柱國又與齊王憲破齊任城王潛於冀州除定州摠管先是州城門久閉不行齊人白文宣時或請開之文宣不許曰當有聖人啓之及帝至而開之莫不驚異遷亳州摠管周宣帝即位以后久徵拜上柱國大司馬大象初遷大後丞右司武俄轉大前疑周宣每巡幸恒委以居守時周宣為刑經聖制其法深刻帝以法令滋章非興化之道切諫不納帝位望益隆周宣頗以為忌時周宣四幸女竝為皇后爭寵相毀周宣每謂后曰必族滅尔家因召帝命左右曰若色動即殺之帝容色自若遂免大象二年五月以帝為揚州摠管將發暴足疾而止乙未周宣不念時靜帝幼冲前內史上大夫鄭譯御正大夫劉昉以帝皇后之父衆望所集遂矯詔引帝入侍疾因受遺輔政都督內外諸軍事帝恐周武諸王在藩生變稱趙王招將嫁女於突厥為詞以徵之己酉周宣崩庚戌靜帝詔徵黃鉞左大丞相百官摠已而聽焉以正陽宮為丞相府以鄭譯為長史劉昉為司馬具置寮佐周宣時刑政峻酷者悉更以寬大之制天下歸心矣六月趙王招陳王純越王達代王盛滕王迥竝至長安相州摠管尉

遲迴自以宿將至是不能平遂舉兵趙魏之士響應旬日
間衆至十餘万宇文弇以滎州石慈以建州席毗以沛郡
毗弟又羅以兗州皆應迴遭子質於陳以求援帝命上柱
國鄭公韋孝寬討之雍州牧畢王賢及趙陳等五王謀作
亂帝執賢斬之而掩趙王等罪因詔五王劔復上殿入朝
不趨以安之時五王陰謀滋甚帝以酒肴造趙王觀其指
趙王伏甲於卧内帝賴元弇以免於是誅趙越二王八月
庚午韋孝寬破尉遲迴斬之傳首闕下餘黨悉平初迴之
亂鄭州總管司馬消難據州應迴淮南州縣多從之襄州
總管王誼討之消難奔陳荆郢羣蠻乘機而起命亳州總
管賀若弼討平之先是上柱國王謙為益州總管亦擁眾
巴蜀以匡復為辭帝以東夏山南為事未逞致討謙遂屯
劔口陷始州至是乃命上柱國梁睿討平之傳首闕下隳
劔閣之險以絕好亂之萌焉九月壬子周帝進帝大丞相
十月周帝詔追贈皇曾祖烈為柱國太保都督十州諸軍
事徐州刺史隋國公諡曰康皇祖質為柱國都督十三州
諸軍事同州刺史隋國公諡曰獻皇考忠為上柱國太師
大冢宰都督十二州諸軍事雍州牧壬戌誅陳王純周帝
進帝大冢宰五府揔於天官十一月辛未誅代王達滕王
道十二月甲子周帝授帝相國總百揆去都督內外諸軍

事大冢宰之号進爵為王以隋州之崇業鄭州之安陸城
陽溫州之宜人應州之平靖上明順州之淮南士州之永
川昌州之廣昌安昌申州之義陽淮安息州之新蔡建安
豫州之汝南臨潁廣寧初安蔡州之蔡陽郢州之漢東二
十郡為隋國劍履上殿入朝不趨贊拜不名備九錫之禮
加璽紱遠游冠相國印綠綬綬位在諸侯王上隋國置丞
相以下一依舊式帝再讓乃授王爵十郡而已周帝詔進
皇祖皇考爵並為王夫人為王妃

大定元年二月壬子下令曰以前賜姓皆復其舊甲寅帝
受九錫之禮景辰周帝又詔帝冕十有二旒建天子旌旗
出登言入踞乘金根車駕六馬備五時副車置旗

舞八佾設鍾簋宮縣王妃為王后世子為太子前後三讓
乃受俄而下詔依唐虞漢魏故事帝三讓不許乃遣大傳
上柱國祀國公椿奉冊曰咨爾相國隋王粵若上古之初
爰啓清濁降符授聖為天下君事上帝而理兆庶和百靈
而利万物非以區寓之富未以宸極為尊大庭軒轅以前
驪連赫胥之日咸以無為無欲不將不迎遐哉其詳不可
聞已厥有載籍遺文可觀聖莫逾於堯美未過於舜堯得
太尉已作運衡之篇舜遇司空便叙菁莪之竭寒裳脫屣
二宮設饗百官歸禹若帝之初斯蓋上則天時不敢不授

下祇天命不敢不受湯代於夏武革於殷干戈揖讓雖復
異揆應天順人其道靡異自漢迄晉有魏至周天曆逐獄
訟之歸神鼎隨謳歌之去道高者稱帝祿盡者不王與夫
文祖神宗無以別也周德將盡禍難頻興宗戚姦回咸將
竊發顧瞻宮闕將圖宗社藩維連率逆亂相尋搖蕩三方
不合如礪蛇行鳥攫投足無所王受天明命睿德在躬救
頽運之艱匡墜地之業援大川之溺救燎原之火除群凶
於城社廓被氛於遠服至德合於造化神用洽於天壤八
極九野万方四裔圓首方足莫不樂推往歲長星夜掃經
天晝見八風比夏后之作五緯同漢帝之聚除舊之徵昭

然在上近者赤心降社公龜効靈鍾石變音蛟魚出穴有

新之貺煥焉在下九區歸心往百靈協贊人神屬望我不獨
知仰祇皇靈俯順人願敬以帝位禪於爾躬天祚豈窮天
祿永終於戲王其允執厥和儀刑典訓升圓立而敬蒼昊
御皇極而撫黔黎副率土之心恢無疆之祚可不盛歎遣
太宗伯大將軍金城公趙襲奉皇帝璽綬百官勸進帝乃

受焉

開皇元年春二月甲子自相府常服入宮備禮即皇帝位
於臨光殿設壇於南郊遣兼太傅柱國鄧公竇熾柴燎
告天是日告廟大赦改元京師慶雲見改周宮依漢魏之

之舊制以相國司馬高頴為尚書左僕射兼納言相國司
錄虞慶則為內史監兼吏部尚書相國內郎李德林為內
史之上開府韋世康為禮部尚書上開府元暉為都官尚
書開府戶部尚書元巖為兵部尚書上儀同司宗長孫毗
為工部尚書上儀同司會揚尚書為度支尚書雍州牧楊
惠為左衛大將軍乙丑追尊皇考為武元皇帝廟号太祖
皇妣呂氏為元明皇后改周氏左社右廟制為右社左廟
遣八使巡省風俗景寅修廟社立王石獨孤氏為皇后王
太子勇為皇太子丁卯以大將軍趙昺為尚書右僕射以
上開府伊婁彥恭為右武侯大將軍己巳以五千戶封周
帝介國公為隋室賓旌旗車服禮樂一如舊儀上書不為
表表不稱詔周氏諸王盡降為公辛未以皇弟同安郡
公爽為雍州牧乙亥封皇弟邵國公慧為滕王同安公爽
為衛皇太子鷹門公為晉王俊為秦王秀為越王諒為漢
王并州總管李穆為太師上柱國實熾為太傅幽州總管
于翼為太尉觀國公田仁恭為太子太師武德郡公柳敏
為太子太保丁丑以晉王廣為并州總管封陳留郡公智
積為蔡王興城郡公靜為道王戊寅改東京府為尚書省
發官牛五千頭分賜貧人三月宣仁門槐樹連理眾枝內
附于午白狼國獻方物丁亥詔大馬器器口味不得獻上

戊子施山澤禁已丑移盤屋連理樹植于宮庭戊戌以太
子少保蘇威兼納言吏部尚書庚子詔前代品爵悉依舊
定丁未梁蕭巖歸使其太子蕭巖來賀夏四月辛巳大赦戊
戌太常散樂並免為編戶禁雜樂百戲辛丑陳人來聘于
周至而上巳受禪致之介國是月發檣胡修築長城二旬
而罷五月戊午封邠國公揚雄為廣平王永康郡公楊弘
為河間王辛未介公薨上舉哀於朝堂諡曰周靜帝六月
癸未詔以初受命赤雀降祥推五德相生為火色其郊及
社廟依服冕之儀而朝人負之服旗幟犧牲盡尚赤戒州尚黃
秋七月乙卯上始服黃百寮畢賀八月壬午廢東京官中

午置八樂安公元諧擊以谷渾於青海破而降之九月戊申

遣估振給戰亡者家庚午陳將周羅暉攻陷胡野蕭摩訶
寇江北辛未以越王秀為益州總管改封蜀王壬申以薛
公長孫覽宋安公元景山並為行軍元帥伐陳仍令尚書
左僕射高頴節度諸軍是月行五銖錢冬十月乙酉百濟
王扶餘昌遣使來賀授昌上開府儀同三司帶方郡公戊
子行新律壬辰行幸岐州十一月乙卯以永富郡公龔榮
定為右武侯大將軍遣兼散騎侍郎鄭撫使於陳己巳有
流星如墜牆光照于地十二月甲申以禮部尚書韋世康
為吏部尚書庚子至自岐州壬寅高麗王高陽遣使朝貢

授陽大將軍遼東郡公太子太保柳敏卒是歲鞞鞞突厥
阿波可汗沙鉢略可汗竝遣使朝貢

二年春正月庚申陳宣帝殂辛酉置河北道行臺尚書省
於并州以晉王廣為尚書令置河南道行臺尚書省於洛
州以秦王俊為尚書令置西南道行臺尚書省於益州以
蜀王秀為尚書令戊辰陳人遣使請和求歸胡墅甲戌詔
舉賢良二月己丑詔以陳有喪命高頴等班師庚寅加晉
王廣左武衛大將軍秦王俊右武衛大將軍庚子京師雨
土三月初命入宮殿門通籍戊申開渠引杜陽水於三時

原夏四月丁丑以寧州刺史竇毅定為左武侯大將軍庚

寅大將軍韓僧善破突厥於雞頭山上杜國李充破突厥

於河北山五月戊申以上開府長孫平為度支尚書己酉
以旱故上親省囚徒其日大雨己未高寶寧寇平州突厥
入長城庚申以豫州刺史皇甫績為都官尚書甲子改傳
國爾王曰受命璽丁卯制人年六十以上免課六月壬午以
太府卿蘇孝慈為兵部尚書甲申使使平於陳乙酉上柱
國李充破突厥于馬邑景申詔曰朕祇奉上玄君臨萬國
屬生靈之弊處前代之宮以為作之者勞居之者逸改創
之事心未遑也而王公大臣陳謀獻策咸云義農辰以降至
于姬劉有當世而屢遷無革命而不徙曹馬之後時見因

循乃末世之宴安非往聖之宏義此城從漢彫殘日夕屢
為戰場舊^舊經^經喪亂今之宮室近代權宜又非謀筮從龜瞻
星揆日不足建皇王之邑合大衆所聚論變通之數具幽
顯之情同心固請詞情深切然則京師百官之府四海歸
向非朕一人之所獨有苟利於物其可違乎且殷之五遷
恐人盡怨是則以吉凶之土制長短之命謀新去故如農
室秋雖則劬勞其究安宅今區寓寧一陰陽順序安安以
遷勿懷胥怨龍首山川原秀麗卉物滋阜卜食相土宜建
都邑定鼎之基永固無窮之業在斯公私府宅規模遠近
榮構資須隨事修葺^{詔左僕射高顯將作大匠劉龍鉅}
鹿郡公賀婁子幹太府少卿高龍又等製造新都秋七月
癸巳詔新置都處墳墓令悉遷葬詔^詔給^給人功無主者
命官為殯葬甲午行新令冬十月以撤毀故徙居東宮給
內外官人祿癸酉皇太子勇屯兵咸陽以備胡虜庚寅上
疾愈享^享百寮於觀德殿賜錢帛皆任自取盡力以出辛卯
以營新都副監賀婁子幹為工部尚書十一月景午初命
為方陣戰法及制軍營圖樣下諸軍府以擬征突厥十二
月辛未上講武于後園甲戌上柱國竇毅卒景辛未各新都
曰大興城乙酉遣彭城公虞慶則屯弘化以備胡突厥寇
周槃行軍掾管達奚長儒為虜所敗景戌賜國子生經明

者東帛丁亥親錄囚徒是歲高麗百濟並遣使朝貢

三年春正月庚子將遷新都大赦禁大刀長稍始令之以

二十一成丁歲役功不過二十日不役者收庸廢遠近酒

坊罷鹽井禁二月己巳朔日有蝕之癸酉陳人來聘突厥

犯邊癸未以左武衛大將軍李禮成為右武衛大將軍三

月丁未上柱國鮮虞縣公謝慶恩卒景辰以兩故常服入

新都京師承明里醴泉出丁巳詔購遺書於天下癸亥城

榆關夏四月己巳衛王爽大破突厥於白道山停築原陽

雲內紫河等鎮而還上柱國建平郡公于義卒庚午吐谷

渾寇臨洮州刺史皮子信死之壬申以尚書右僕射趙

壽大破高寶寧于黃龍甲申以旱故上親祀兩師景戌詔

天下勸學行禮己丑陳郢州城主張子譏遣使請降上以

和好不納辛卯遣兼散騎常侍薛舒聘於陳癸巳上親粵

五月癸卯太尉任城公于翼薨行軍總管李晃破突厥於

摩那渡口乙巳梁太子蕭琮來賀遷都辛酉親祀方澤壬

戌行軍元帥竇榮定破突厥及吐谷渾於涼州赦黃龍死

罪以下六月庚午封衛王爽子集為遂安郡王戊寅突厥

遣使求和丙辰行軍總管梁遠破吐谷渾於余汗山斬其

名王秋七月壬戌詔曰往者山東河表經此妖亂孤城遠

守多不自全濟陰太守杜猷身陷賊徒命懸冠手郡省事
范臺攻傾產營護免其戮辱卷言誠節實有可嘉宜超卹
賞用明沮勸臺攻可大都督假湘州刺史丁卯日有蝕之
八月壬午遣尚書右僕射高頴出寧州道吏部尚書虞慶
則出原州道並為行軍元帥以擊胡戊子親祀太社九月
壬子辛城東觀穀稼癸丑大赦冬十月甲戌廢河南道行
臺省十一月發使巡省風俗庚辰陳人來聘陳主知帝兒
異世入使副使袁彥圖像而去甲午罷天下諸郡十二月
乙卯遣兼散騎常侍唐令則使於陳戊午以刑部尚書蘇
威為戶部尚書是歲高麗突厥靺鞨並遣使朝貢

四年春正月甲子朔日有蝕之祀太廟辛未祀南郊壬申

梁主蕭歸來朝甲戌大射於北苑十日而罷壬午齊州水
辛卯渝州獲獸似麋一角同蹄壬辰班新曆二月乙巳上
饒梁主于霸上庚戌行幸隴州突厥可汗阿史那玷厥率
其屬來降夏四月己亥勅摠管刺史父母及子年十五以
上不得將之官庚子以吏部尚書虞慶則為尚書右僕射
瀛州刺史楊尚希為兵部尚書毛州刺史劉仁恩為刑部
尚書五月癸酉契丹主莫賀弗遣使請降拜大將軍六月
庚子降囚徒壬子開通濟渠自滑達河以通運漕甲寅制
官人非戰功不授上柱國以下戎官以雍同華岐宜五州

旱命無出今年租調戊午秦王俊來朝秋七月景寅陳人
來聘八月甲午遣十使巡省天下戊戌衛王爽來朝壬寅
上柱國太傅鄧公竇熾薨乙卯陳將夏侯苗請降上以通
和不納九月己巳上親錄囚徒庚午契丹內附甲戌以關
中饑行幸洛陽冬十一月壬戌遣兼散騎常侍薛道衡使
於陳甲戌改周十二月為臘蜡是歲鞞鞞及女國並遣使
朝貢

五年春正月戊辰詔行新禮壬申詔罷江陵摠管其後梁
主請依舊許之三月戊午以尚書左僕射高頴為左領軍
大將軍以上柱國宇文忻為右領軍大將軍夏四月甲午
契丹遣使朝貢壬寅上柱國王詔誅乙卯詔徵

大儒馬榮伯等戊申車駕至自洛陽五月甲申初置義
梁主蕭巋殂遣上大將軍元契使于突厥阿波可汗秋七
月庚申陳人來聘壬午突厥沙鉢略可汗上表稱臣八月
甲辰河南諸州水遣戶部尚書蘇威振給之戊申有流星
數百四散而下九月乙丑改鮑陂曰杜陂霸水曰滋水景
子遣兼散騎常侍李若使於陳冬十一月丁卯晉王廣來
朝十二月丁未降囚徒

六年春正月甲子党項羌內附庚子班曆於突厥壬申使
戶部尚書蘇威巡省山東二月乙酉山南荆浙七州水遣

前工部尚書長孫毗振恤之景戌制刺史上佐每歲暮更
入朝上考課丁亥發丁男十一万修築長城二旬而罷庚
子大赦三月己未洛陽男子高德上書請帝為太上皇傳
位皇太子帝曰朕承天命撫育蒼生日旰夜孜孜猶恐不逮
豈學近代帝王事不師古傳位於子自求逸樂哉癸亥突
厥沙鉢略可汗遣使朝貢夏四月己亥陳人來聘秋七月
辛亥河南諸州水乙丑京師雨毛如馬尾長者二尺餘短
者有六七寸八月辛卯關內七州旱蠲其賦稅遣散騎常
侍裴世豪使于陳戊申上柱國太師中公李穆薨閏月丁
卯皇太子鎮洛陽辛未晉王廣秦王俊並來朝景子上柱

國公梁士彥上柱國杞公宇文忻柱國舒公劉助謀反

伏誅上柱國許公宇文善有罪除名九月辛巳帝素服御
射殿詔百寮射梁士彥三家資物景戌上柱國宋安公元
景山卒辛丑詔振恤太冢以來死事之家冬十月己酉以
河北道行臺尚書令并州總管晉王廣為雍州牧餘官如
故以兵部尚書楊尚希為禮部尚書癸丑置山南道行臺
尚書省於襄州以秦王俊為尚書令

七年春正月癸巳祀太廟乙未制諸州歲貢三人二月丁
巳祀朝日於東郊己巳陳人來聘壬申幸醴泉宮是月發
丁男十万修築長城一旬而罷夏四月庚戌於揚州開山

陽濟以通運漕突厥沙鉢略可汗卒癸亥頒青龍符於東
方揔管刺史西方以白武南方以朱雀北方以玄武甲戌
遣兼散騎常侍楊周使于陳以戶部尚書蘇威為吏部尚
書五月乙亥朔日有蝕之己卯隕石於武安滄陽間十餘
里秋七月己丑衛王爽薨八月庚申梁主蕭琮來朝九月
乙酉梁安平王蕭巖掠於其國以奔陳辛卯廢梁國曲赦
江陵以梁主蕭琮為柱國封莒國公冬十月庚申行幸回
州以先帝所居故曲降囚徒癸亥幸蒲州景寅宴父老上
極歡曰此間人物衣服鮮麗容止閑雅良由仕宦之鄉陶
染成俗也十一月甲午幸馮翊祭故社父老對詔失旨上
大怒免其縣官而去戊戌車駕至自馮翊

八年春正月乙亥陳人來聘二月辛酉陳人寇碭州三月
辛未上柱國隴西公李詢卒甲戌遣兼散騎常侍程尚賢
使于陳戊寅詔大舉伐陳秋八月丁未河北諸州飢遣吏
部尚書蘇威振恤之九月癸巳嘉州言龍見冬十月己未
置淮南行臺省於壽春以晉王廣為尚書令辛酉陳人來
聘拘留不遣甲子有星孛于牽牛享太廟授律令晉王廣
秦王俊清河公楊素竝為行軍元帥以伐陳於是晉王出
六合秦王出襄陽清河公楊素出信州荊州刺史劉仁恩
出江陵宜陽公王世積出蕪春新義公韓擒出廬江襄邑

公賀若弼出吳州落叢公燕榮出東海合摠管九十兵五
十一萬八千皆受晉王節度東接滄海西拒巴蜀旌旃舟
楫橫亘數千里仍由赦陳國十一月丁卯車駕餞師詔購
陳叔寶位上柱國万户公乙亥行幸定城陳師誓衆景季
幸河東十二月車駕至自河東

九年春正月癸酉以尚書左僕射虞慶則爲右衛大將軍
景子賀若弼敗陳師於崑山獲其將蕭摩訶韓擒虎師入
建鄴獲陳主叔寶陳國平合州四十郡一百縣四百戶五
十萬口二百萬癸巳遣使持節巡撫之二月乙未廢淮南
尚書省景申制五百家爲卿正一人百家爲里長一人夏

四月己亥幸^賜山親勞旋師乙巳三軍凱入獻俘於大廟
以晉王廣爲太尉庚戌帝御廣陽門宴將士頒賜各有差
辛亥大赦以陳都官尚書孔範散騎常侍王瑳王儀御史
中丞沈觀等邪佞於其主以致亡滅皆投之邊裔陳人普
給復十年軍人畢世免徭役擢陳之文武衆才而用之官
奴數千可歸者歸之其盡以分賜將士及王公貴臣其
資物皆於五梁賜王公以下大射殿所得秦漢三大鍾越
二大鼓又設亡陳女樂謂公卿等曰此聲似啼朕聞之甚
不喜故與公等一聽亡國之音俱爲求鑒焉辛酉以吏部
侍郎宇文弼爲刑部尚書宗正卿楊昇爲工部尚書壬戌

詔曰今率土大同含生滋一性兵可立威不可不戢刑可助
化不可專行禁衛九重之餘鎮守四方之外戎旅軍器皆
宜停罷武力之子俱可學文人間甲仗悉皆除毀閏月丁
丑頒木魚符於摠管刺史雌一雄三已卯以吏部尚書蘇
威爲尚書右僕射六月乙丑以荊州摠管楊素爲納言丁
卯以吏部侍郎盧愷爲禮部尚書時群臣咸請封禪詔不
許曰豈可命一將軍除一小國以薄德而封名山用虛言
而干上帝邪八月壬戌以廣平王雄爲司空冬十一月壬
辰考使定州刺史豆盧通等上表請封禪上不許庚子以
右衛大將軍虞慶則爲右武侯大將軍右領軍將軍李安
爲右領軍大將軍甲寅隆因徒十二月甲子詔太常卿牛
弘通直散騎常侍許善心祕書丞姚察通直郎虞世基等
議定樂

十年春正月乙未以皇孫昭爲河南王指爲華陽王二月
庚申行幸并州夏五月乙未詔曰魏末喪亂寓縣瓜分役
軍歲動未遑休息兵士軍人權置坊府南征北伐居處無
定家無完堵地罕苞桑恒爲流寓之人竟無鄉里之号朕
甚愍之凡是軍人可悉屬州縣墾田籍帳一同編戶軍府
統領宜依舊式罷山東河南及北方緣邊之地新置軍府
六月辛酉制人年五十免役折庸秋七月癸卯以納言楊

素為內史令庚戌上親錄囚徒辛亥高麗遼東郡公高陽
卒八月壬申遣柱國韋洗上開府王景並持節巡撫嶺南
百越皆服九月丁酉至自并州冬十月甲子頒木魚符於
京官五品以上十一月辛卯幸國學頒賜各有差辛丑祀
南郊是月婺州人汪文進會稽人高智慧蘇州人沈玄愴
皆舉兵反自稱天子樂安蔡宗一 饒州吳世華永嘉沈孝
徹泉州王國慶餘杭楊密具英交趾李春等皆自稱大都督
詔內史令楊素討平之是歲吐谷渾契丹並遣使朝貢

十一年春正月丁酉以平陳所得古器多為祆變一 命毀
之景牛皇太子妃元氏薨上舉哀於東宮一 文思殿二月戊
午以大將軍蘇孝慈為工部尚書景子以臨穎公劉曠政

績尤異擢為荊州刺史辛巳晦日有蝕之夏五月己巳以
右衛將軍元曼為左衛大將軍秋八月壬申滕王瓚薨乙
亥一在國沛國公鄭譯卒是歲高麗靺鞨並遣使朝貢突
厥獻上寶盃

十二年春二月己巳以蜀王秀為內史令兼右領軍大將
軍以漢王諒為雍州牧右衛大將軍秋七月乙巳尚書右
僕射魏公蘇威禮部尚書谷城侯盧愷並坐事除名壬申
晦日有蝕之八月甲戌制天下死罪諸州不得便決皆令
大理覆之癸巳制宿衛者不得輒離所守丁酉上柱國楚

公豆盧勳卒戊戌上親錄囚徒冬十二月丁丑以遂安王集
為衛王壬午祀太廟至太祖神王前帝流涕嗚咽不自勝
十一月辛亥祀南郊己未上柱國新義公韓擒卒申子首
察大射於武德殿十二月乙酉以內史令楊素為尚書右
僕射是歲突厥吐谷渾蘇鞬並遣使朝貢

十三年春正月乙巳上柱國郇公韓建業卒壬子祀感帝
己未以信州總管韋道康為吏部尚書壬戌行幸岐州二

月景子詔營仁壽宮丁亥至自岐州己卯立皇孫暕為豫

章王戊子晉州刺史南陽郡公賈悉達隕州總管撫寧郡

公韓延等以隋伏誅己丑制坐事去官者配防一年丁酉

國史臧否人物秋七月戊辰晦日有蝕之九月景辰降因

徒庚申封邵公楊綸為滕王冬十一月乙卯上柱國蘇陰

公梁彥光卒是歲契丹靺鞨並遣使朝貢

十四年夏四月乙丑詔曰比命有司摠令研究正樂雅聲

詳定已訖宜即施用見行者停人間音樂流僻日又棄其

舊體競造繁聲流宕不歸遂以成俗宜加禁約務存其本

五月辛酉京師地震關內諸州旱六月丁卯詔省府州縣

皆給墾田不得興生與人爭利秋七月乙未以郅公蘇威

為納言八月辛未關中大旱人飢行幸洛陽并命百姓山

東就人食冬閏十月甲寅詔曰梁齊陳往皆創業一方綿歷
年代既宗祀廢絕祭奠無主興言矜念良以愴然言國公
蕭琮及高仁英陳叔寶等宜令以時世修祭祀所須器物
有司給之乙卯制外官九品以上父母及子年十五不得
從之甲子月壬戌制州縣佐吏三年一代不得重任癸
未有差序于角亢十二月乙未東巡狩

十五年春正月壬戌車駕次齊州親問疾苦景宙旅王符
山虞千以歲旱祀太山以謝愆咎大赦二月景辰禁私家
玄更器閨中緣邊不在其例燕河以東無得乘馬丁巳上
往國將公梁睿卒三月己未車駕至百東巡望祭五嶽海

瀆丁亥幸仁壽宮夏四月己丑朔大赦甲辰以趙州刺史

楊達爲工部尚書五月丁亥制京官五品以上佩銅魚符

六月戊子詔鑿砥柱庚寅相州刺史豆慮通貢綾文布命

焚之于朝堂辛丑詔名山未祀典者悉命祀之秋七月

甲戌遣邳公蘇威巡省江南戊寅至白仁壽宮辛巳制九

品以上官以理去官者竝聽執笏冬十二月戊子敕盜邊

糧一升以上皆斬籍沒其家己丑詔文武官以四考更代

是歲吐谷渾林邑等國竝遣使朝貢

十六年春二月丁亥封皇孫裕爲平原王筠爲安成王疑

爲安平王恪爲襄城王該爲高陽王韶爲建安王暉爲潁

川王夏六月甲午制工商不得進仕并州大蝗辛丑詔九品以上妻五品以上妾夫亡不得改嫁秋八月庚戌詔決死罪者三奏而後行刑冬十月己丑幸長春宮十一月壬子至自長春宮

十七年春二月癸未太平公史萬歲伐西寧尅之庚寅行幸仁壽宮庚子上柱國王世積討桂州賊李光仕平之三月景辰詔諸司屬官有犯聽於律令外斟酌決杖辛酉上親錄囚徒癸亥上柱國彭城公劉昶以罪伏誅庚午遣御史柳或皇甫誕巡省河南北夏四月戊寅頒新曆五月庚申宴百寮於玉女泉班賜各有差己巳蜀王秀來朝閏月己卯君幸鹿入殿門馬獲侍衛之內秋七月丁丑桂州人李世賢反遣右武侯大將軍虞慶則討平之丁亥并州摠管秦王俊坐事免以王就第九月甲申車駕至自仁壽宮庚寅上謂侍臣曰廟庭設樂本以迎神齋祭之日觸目多感當此之際何可為心在路奏樂禮為未允公卿宜更詳之冬十月丁未頒銅武符於驃騎車騎府戊申道王靜薨庚午詔曰五帝異樂三王殊禮皆隨事而有損益因情而立節文仰惟祭享宗廟瞻敬如在罔極之感情深茲日而禮畢升路鼓吹發音還入宮門金石振響斯則哀樂同日心事相違情所不安理寔未允宜改茲往式用弘禮教自今

享廟日不須備鼓吹殿庭勿設樂縣辛未京下太索十二月壬子上柱國右武侯大將軍魯公虞慶則以罪伏誅是歲高麗突厥並遣使朝貢

十八年春正月辛丑詔曰吳越之人往承弊俗所在之處私造大船因相聚結致有侵害江南諸州人間有船長三丈以上悉括入官二月甲辰幸仁壽宮乙巳以漢王諒為行軍元帥水陸三十万伐高麗夏五月辛亥詔畜猫鬼蠱毒厭魅野道之家投于四裔六月景寅詔黜高麗王高元官爵秋八月景子詔京官五品以上摠管刺史舉志行修謹清平幹濟之士九月己丑漢王諒師遇疾疫而旋死者

十二三庚寅敕舍客無公驗者坐及刺史縣令辛卯車駕至自仁壽宮夏十一月甲戌帝親錄囚徒癸未祀南郊十二月庚子上柱國夏州摠管東萊公王景以罪伏誅是歲自京師至仁壽宮置行宮十所祀宋陳亳曹戴穎等州水詔並免庸調

十九年春正月癸酉大赦戊寅大射于武德殿二月己亥晉王廣來朝甲寅幸仁壽宮夏四月丁酉突厥利可汗內附達頭可汗犯塞行軍摠管史乃歲擊破之六月丁酉以豫章王暕為內史令秋八月癸卯上柱國尚書左僕射齊公高顯坐事免辛亥上柱國皖城公張威卒甲寅上柱國

城陽公李徹卒九月乙丑以太常卿牛弘為吏部尚書冬
十月甲午以突厥利可汗為啓人可汗築大利城處其部
落十一月有司言元年已來日漸長十二月乙未突厥都
藍可汗為部下所殺國大亂星隕於勃海

二十年春正月辛酉朔突厥高麗契丹並遣使朝貢二月
丁丑無雲而雷三月辛卯熙州人李英林反遣行軍總管
張衡討之夏四月壬戌突厥犯塞以晉王廣為行軍元帥
擊破之乙亥天有聲如鷲水自南而北六月丁丑秦王俊
薨秋九月丁未車駕至自仁壽宮冬十月乙丑廢皇太子

勇及其諸子並為無人殺往國太平公史方歲已已殺左
衛大將軍五原公元景十一月戊子以晉王廣為皇太子

天下地震京城大風雪十二月戊午詔東宮官屬及王太
子不得稱臣辛巳詔毀壞偷盜佛及天尊像嶽鎮海濱神
形者以不道論沙門壞佛像道士壞天尊像以惡逆論

仁壽元年春正月乙酉朔大赦改元以尚書右僕射楊素
為左僕射以納言蘇威為右僕射丁酉徙河南王昭為晉
王突厥寇恒安遣柱國韓洪擊之敗焉以晉王昭為內史
令辛丑詔曰投生殉節自古稱難殞身王事禮加二等而
世俗之徒不達大義致命戎旅不入兆域興言念此每深
愍歎且入廟祭祀並不廢闕何止墳塋獨在其外自今

亡之徒宜入墓域二月乙卯朔日有蝕之夏五月己丑突厥男女九萬餘口來降壬辰驟雨震雷大風拔木宜吾湫水移於始平六月乙卯遣十六使巡省風俗乙丑廢太學及州縣學唯留國子一學取正三品以上子七十二人充生頒舍利於諸州秋七月戊戌改國子爲太學十一月己丑祀南郊十二月楊素擊突厥破之

二年春三月己亥幸仁壽宮夏四月庚戌並雍二州地震秋七月景戌詔內外官各舉所并八月己巳皇后獨孤氏崩九月景戌車駕至自仁壽宮壬辰河南北諸州大水

工部尚書楊達振恤之乙未上柱國表州總管金水公

搖卒隴西地震冬十月壬子曲赦益州管内癸丑以工部尚書楊達爲納言閏月甲申詔尚書左僕射楊素與諸術者判定陰陽舛謬己丑詔楊素右僕射蘇威吏部尚書牛弘內史侍郎薛道衡秘書丞許善心內史舍人虞世基著作郎王劼等修定五禮壬寅葬獻皇后於太陵十二月癸巳益州總管蜀王秀有罪廢爲庶人交州人李佛子舉兵反遣行軍總管劉方討平之

三年春二月戊子以大將軍蔡陽郡公姚辨爲左武侯大將軍夏五月癸卯詔曰六月十三日是朕生日其日令海內爲武元皇帝元明皇后斷屠六月甲午詔曰禮云親以

暮斷蓋以四時之變易万物之更始故聖人象之其有三
年加隆爾也但家無二尊母為厭降是以父在喪母還服
于暮者服之正也豈容暮內而更小祥然三年之喪而有
小祥者禮云暮祭禮也暮而除喪道也以是之故雖未再
暮而天地一變不可不祭不可不除故有練焉以存喪祭
之本然暮亦宜練於理未安雖云十一月而練乃無所法
象非暮非時豈可除祭而儒者徒擬三年之喪立練禫之
節可謂苟存其變而失其本欲漸於奪乃薄於喪致使子
則冠練去經黃裏線緣經則布葛在躬麤服未改豈非經
哀尚存子情已奪親踈失倫輕重顛到乃不順人情豈聖
人之意也故非先聖之禮廢於人邪三年之喪尚有不行
之者至於祥練之節安能不墜者乎禮云父母之喪無貴
賤一也而大夫士之喪父母乃皆賤異服然則禮壞樂崩
由來漸矣所以晏平仲之斬麤練其老謂之非禮滕文公
之服三年其臣咸所不欲蓋由王道既衰諸侯異政將踰
越於法度惡禮制之害已乃滅去篇籍自制其宜遂至骨
肉之恩輕重從俗無易之道降殺任情夫禮不從天降不
從地出乃人心而已者謂情緣於恩也故因厚者其禮隆
情輕者其禮殺聖人以是稱情立文別親踈貴賤之節自
臣子道消上下失序莫大之恩逐情而薄首重之化與時

而殺此乃服不稱喪容不稱服非所謂聖人緣恩表情制禮之義也然喪與其易也寧在於戚則禮之本也禮有其餘未若於哀則情之實也今十一月而練者非禮之本非情之實由是言之父在喪母不宜有練但依禮十二月而祥中月而禫庶以合聖人之意達人子之心秋七月丁卯詔州縣搜楊賢哲皆取明知古今通識安心死政教之本達禮樂之源不限多少不得不舉徵召將送必須以禮八月壬申上柱國檢校幽州摠管落藜公燕榮以罪伏誅九月壬戌置常平官甲子以營州摠管常冲爲戶部尚書十月癸酉河南諸州遣納言楊逵振恤之

豫六月庚午大赦有星入月中數日而退長人見於鴈門秋七月乙未日青無光八日乃復甲辰帝疾甚臥於仁壽宮與百寮辭訣上握手歎歎丁未崩于大寶殿時年六十四詔曰嗟乎自昔晉室播遷天下喪亂四海不一以至周齊戰爭相尋年將三百故割疆土者非一所稱帝王者非一人書軌不同生靈塗炭上天降監受命于朕用登大位豈關人力故得撥亂反正偃武修文天下大同聲教遠被此又是天意欲寧區夏所以昧旦臨朝不敢逸豫一日萬機留心親覽晦明寒暑不憚劬勞匪曰朕躬蓋爲百姓故

也王公卿士每日闕庭刺史以下歲時朝集何嘗不罄竭
心府誠敷殷勤義乃君臣情兼父子庶藉百察之智萬國
歡心欲令率土之人永得安樂不謂遘疾彌留至於大漸
此乃人生常分何足言及但四海百姓衣食不豐教化政
刑猶未盡洽興言念此唯以留恨朕今踰六十不復稱天
但筋力精神一時勞竭如此之事本非為身止欲安養百
姓所以致此人生子孫誰不念愛既為天下事須割情勇
及秀等竝懷惻惡既無臣子之心所以黜廢古人有云知
臣莫若君知子莫若父令勇秀得志共理家國亦當戮辱
通於公卿酷毒流於人庶今惡子孫已為百姓黜屏好子
孫足堪肩荷大業此雖朕家事理不容隱前對文武侍衛
具已論述皇太子廣地居上嗣仁孝著聞以其行業堪成
朕志但念內外群官同心勩力以此共安天下朕雖瞑目
何所復恨國家大事不可限以常禮既葬公除行之自昔
今宜遵用不勞改定凶禮所須統令周事務從節儉不得
勞人諸州摠管刺史以下宜率其職不須奔赴自古哲王
因人作法前帝後帝沿革隨時律令格式有不便於事者
宜依前修改務當政要嗚呼敬之哉無墜朕命乙卯發喪
河間楊柳四株無故黃落既而花葉復生八月丁卯梓宮
至自仁壽宮景子殯於大興前殿十月乙卯葬於大陵同

墳而異穴士庶赴葬者皆聽人視陵內帝性嚴重有威容
外質木而內明敏有大畧初得政之始群情不附諸子幼
弱內有六主之謀外致三方之亂握強兵居重鎮者皆周
之舊臣上雅以赤心各盡其用不踰期月剋定三邊未及
十年平一四海薄賦歛輕刑罰內修制度外撫戎夷每旦
聽朝日仄心倦居處服翫務存節儉令行禁止上下化之
開皇仁壽之間丈夫不衣綾綺而無金玉之飾常服率多
布帛裝帶不過以銅鐵骨角而已雖畜於財至於賞賜有
功亦無所吝惜每乘輿四出路途上表者駐馬親自臨問
或潛遣行人采聽風俗吏政得失人間疾苦無不留意嘗

遇關中飢遣左右親自視百姓所食有得豆屑糲糲而奉之者

上流涕以示羣臣深自咎責為之損膳而不御酒肉者殆
將一期及東拜太山關中戶口就食洛陽者道路相屬帝
敕斥候不得輒有驅逼男女參廁於仗衛之間遇逢扶老
攜幼者輒引馬避之慰勉而去至艱峻之處見負擔者遽
令左右扶助之其有將士戰歿必加優賞仍令使者就家
勞問自強不息朝夕孜孜人庶殷繁帑藏充實雖未能致
臻於至道亦足稱近代之良主然雅性沈猜素無學術好
為小數言神燭聖杖堪能療病又信王劭解石文以為己
端焉不達大體如是故忠臣義士莫得盡心竭辭其草創

元勳及有功諸將誅夷獲罪罕有存者又不悅詩書揚素
由之希旨遂奏除學校唯婦言是用廢黜諸子逮于暮年
持法尤峻喜怒失常果於殺勳嘗令左右送西域朝貢使
出關其所經之處受牧宰小物饋鸚鵡鷹皮馬鞭之屬
聞而大怒又詣武庫見署中蕪穢不理於是執武庫令及
諸受遺者出開遠門外親自臨決死者數十人又往往潛
令賂遺令

史受者必死無所寬貸議者以此少之

論曰隋文

其立本積德累仁征以外戚之尊受託孤

之任與能之議未為所許是以周室舊臣咸懷憤惋既而

王謙固三蜀之阻不逾期月討還

士期乃非止人謀抑亦天之所替乘茲機運遂遷周鼎于

時蠻夷猾夏荆揚未一劬勞日及經營四方樓船南邁則

金陵失險驃騎北指則單于款塞職方所載立入疆理禹

貢所圖咸受正朔雖晉武之克平吳會漢宣之推亡固存

比義論功不能尚也七德既敷九歌已洽尉候無警遐邇

肅清於是躬節儉平任賦倉廩實法令行君子咸樂其生

小人各安其業強不陵弱衆不暴寡人物殷阜朝野歡娛

自開皇二十年間天下無事區宇之內晏如也考之前王

足以參蹤盛烈而素無術業不能盡下無寬仁之度有刻

薄之資暨乎暮年此風愈扇又雅好瑞符暗於大道建彼

維城權侷京室皆同帝制靡所適從聽妬婦之言惑邪臣
之說溺寵廢嫡託付失所滅父子之道開昆弟之隙縱其
尋斧翦伐本根墳土未乾子孫繼踵為戮松檟纒列天下
已非隋有惜哉迹其衰息之源稽其亂亡之兆起自文皇
成於煬帝所由來遠矣非一朝一夕其不祀忽諸未為不
幸也

隋本紀上第十一

北史十一

隋本紀下第十一

北史十二

煬皇帝諱廣一名英小字阿摩高祖第二子也母曰文獻
獨孤皇后上美姿儀少敏慧高祖及后於諸子中特所鍾
愛在周以高祖勲封鴈門郡公開皇元年立為晉王拜柱
國并州揔管時年十三尋授武衛大將軍進上柱國河北
道行臺尚書令大將軍如故高祖令項城公歆安道公才
李徹輔導之上好學善屬文沈深嚴重朝野屬望高祖密
令善相者來和徧視諸子和曰晉王眉上雙骨隆起貴不
可言既而高祖幸上所居第見樂器絃多斷絕又有塵埃
若不用者以為不好聲妓之翫上充自矯飾當時稱為仁

孝嘗觀獵遇雨左右進油衣上曰士卒皆露濕我獨衣此
乎乃令持去六年轉淮南道行臺尚書令其年徵拜雍州
牧內史令八年冬大舉伐陳以上為行軍元帥及陳平執
陳湘州刺史施文慶散騎常侍沈客卿市令湯慧朗刑法
監徐折首言都令史暨慧以其邪佞有害於民斬之石闕
下以謝三吳於是封府庫資財無所取天下稱賢進位太
尉賜路車乘馬衮冕之服玄珪白璧各一雙復拜并州摠
管俄而江南高智慧等相聚作亂徙上為揚州摠管鎮江
都每歲一朝高祖之祠太山也領武侯大將軍明年歸藩
後數載突厥寇邊復為行軍元帥出靈武無虜而旋及太
子勇廢立上為皇太子是月當受冊高祖曰吾以大興公
成帝業令上山舍大興其夜烈風大雪地震山崩民舍多
壞獸死者百餘口仁壽初奉詔巡撫東南是後高祖每避
暑仁壽宮恒令上監國四年七月高祖崩上即皇帝位於
仁壽宮八月奉梓宮還京師并州摠管漢王諒舉兵反詔
尚書左僕射楊素討平之九月乙巳以備身將軍崔彭為
左領軍大將軍十一月乙未幸洛陽景申發丁男十數万
掘塹自龍門東接長平汲郡抵臨清關度河至洛儀襄城
達于上洛以置關防癸丑詔曰乾道變化陰陽所以消息
沿創不同生靈所以順序若使天意不變施化何以成四

時人事不易為政何以利万姓易不云乎通其變使民不
倦變則通通則久有德則可久有功則可大朕又聞之安
安而能遷民用不變是故姬邑兩周如武王之意殷人五
徒成湯后之業若不因民順天功業見乎變愛民治國者
可不謂歟然雒邑自古之都王畿之內天地之所合陰陽
之所和控以三河固以四塞水陸通貢賦等故漢祖曰吾
行天下多矣唯見雒陽自古皇王何嘗不留意所不都者
蓋有由焉或以九州未一或以困其府庫作雒之制所以
未暇也我有隋之始便欲創茲懷雒日復一日越暨于今
念茲在茲興言感哽朕肅膺寶曆纂臨万邦遵而不失心

奉先志今者漢王諒悖逆毒禍山東遂令州縣或淪非所
由閔河縣遠兵不赴急加以并州移戶復在河南周遷殷
民意在於此况復南服遐遠重夏殷大因機順動今也其
時群司百辟僉諧厥議但成周墟塔弗堪育宇今可於伊
維營建東京便即設官分職以為民極也夫宮室之制本
以便生人上棟下宇足以避風露高臺廣廈豈自適形故
傳云儉德之恭侈惡之大宣丘有云與其不遜也寧儉豈
謂瑤臺瓊室方為宮殿者乎土塔采椽而非帝王者乎是
知非天下以奉一人乃一人以主天下也民惟國本本固
邦寧百姓足孰與不足今所營構務從節儉無令雕牆峻

宇復起於當今欲使卑官菲合將貽於後世有司明為條
格稱朕意焉十二月乙丑以右武衛將軍來護兒為右驍
衛大將軍戊辰以柱國李景為右武衛大將軍以右衛率
周羅暉為右武侯大將軍

大業元年春正月壬辰朔大赦改元立妃蕭氏為皇后改
豫州為溱州洛州為豫州廢諸州摠管府景申立晉王昭
為皇太子丁酉以上柱國宇文述為左衛大將軍上柱國
郭衍為左武衛大將軍延壽公子仲文為右衛大將軍已
亥以豫章王暕為豫州牧戊申發八使巡省風俗下詔曰
昔者哲王之理天下也其在愛民乎既富而教家給人足

故能風教淳厚遠至邇安理定功成率由斯道朕恭嗣寶
位撫育黎獻夙夜戰兢若臨川谷雖則聿遵先緒弗敢失
墜永言政術多有缺然况以四海之遠兆民之衆未獲親
臨問其疾苦每慮幽仄莫舉冤屈不申一物失所用傷和
氣方方有罪責在朕躬所以興寤增歎而夕惕載懷者也
今既布政惟始宜存寬大可分遣使人巡省方俗宣揚風
化薦拔淹滯申達幽枉孝悌力田給以優復鰥寡孤獨不
能自存者量加振濟義夫節婦旌表門閭高年之老加其
板授竝依別條賜以粟帛篤疾之徒給侍丁者雖有侍養
之名曾無調贍之實明加檢校使得存養若有名行顯著

操履修潔及學業才能一藝可取咸宜訪採將身入朝所
 在州縣以禮發遣其蠹政害人不便於時者使還之日具
 錄奏聞己酉以吳州摠管宇文弼為邢部尚書二月己卯
 以尚書左僕射楊素為尚書令三月丁未詔尚書令楊素
 納言楊達將作大匠宇文愷營建東京徙豫州郭下居民
 以實之戊申詔曰聽採輿頌謀及黎庶故能審政刑之得
 失是知昧旦思治欲使幽枉必達彛倫有章而牧宰任稱
 朝委苟為僥倖以求考課虛立殿最不存理實綱紀於是
 不理冤屈所以莫申關河重阻無由自達朕故建立東京
 躬親存問今將巡歷淮海觀省風俗眷求謏言徒繁詞翰
 而絕校之內關介無聞惟恐文惕用勞興寢其民下有知
 州縣官人政理苛刻侵善百姓背公徇私不憚於民者聽
 詣朝堂封奏庶乎四聰以達天下無冤又於阜澗營顯仁
 宮採海內奇禽異獸草木之類以實園苑徙天下富商大
 賈數万家於東京辛亥發河南諸郡男女七百万開通濟
 渠自西苑引穀洛水達于河自板渚引河通于淮庚申遣
 黃門侍郎王弘上儀同於士澄往江南採木造龍舟鳳舸
 黃龍赤艦樓船等數万艘夏四月癸亥大將軍劉仲方擊
 林邑破之五月庚戌戶部尚書義豐侯韋冲卒甲子熒惑
 入太微秋七月丁酉制戰士之家給復十年景午滕王綸

衛三集竝奪爵徙邊閏七月甲子以尚書令揚素爲太子
太師安德王雄爲太子太傅河間王弘爲太子太保景子
詔曰君民建國教學爲先移風易俗必自茲始而言絕義
乖多歷年代進德修業其道浸微漢採坑焚之餘不絕如
線晉承板蕩之運掃地將盡自時厥後軍國多虞雖復黷
宇時建示同愛禮函丈或陳始爲虛器遂使紆青拖紫非
以學優制表錦操刀類多牆面上陵下替綱維不立雅缺道
消寔由於此朕纂承洪緒思弘大訓將欲尊師重道用闡
厥繇講信脩睦敦獎名教方今區宇平壹文軌攸同十步
之內必有芳草四海之中豈無孝秀諸在家及見入學者
若有篤志好古助興禮學行優每堪膺時務所在採訪
具以名聞即當隨其器能擢以不次若研精經術未願進
仕可依其藝業深淺門蔭高卑雖未升朝並量準給祿庶
夫恂恂誘善不日成器濟濟爲朝何遠之有其國子等學
亦宜申明舊制教習生徒具爲課試之法以盡砥礪之道
八月壬寅上御龍舟幸江都以左武衛大將軍郭衍爲前
軍右武衛大將軍李景爲後軍文武官五品已上給樓船
九品已上給黃篋舳舻相接二百餘里冬十月己丑赦江
淮已南揚州給復五年舊勅管内給復三年十一月己未
以大將軍崔仲方爲禮部尚書

二年春正月辛酉東京成賜監督者有差以大理卿梁毗
為刑部尚書丁卯遣十使併省州縣二月景戌詔尚書令
楊素吏部尚書牛弘大將軍宇文愷內史侍郎虞世基禮
部侍郎許善心制定輿服始備輦輅及五時副車上常服
皮弁十有二琪文官弁服珮玉五品已上給犢車通幟三
公親王加油絡武官平巾幘袴褶三品已上給炮檠下至
胥吏服色各有差非庶人不得戎服戊戌置都尉官二月
庚午車駕發江都先是太府少卿何稠太府丞雲定興盛
修儀仗於是謀州縣送羽毛百姓求捕之網羅被水陸禽
獸有堪擊毘之用者殆無遺類至是而成夏四月庚戌上
自伊闕陳法駕備千乘萬騎入於東京辛亥上御端門大
赦天下免今年租賦癸丑以異州刺史楊文思為民部尚
書五月甲寅金紫光祿大夫兵部尚書李通坐事免乙卯
詔曰旌表先哲式在饗祀所以優禮賢能顯彰遺愛朕永
鑒前脩尚想名德何嘗不興歎九原屬懷千載其自古以
來賢人君子有能樹聲立德佐世匡時博利殊功有益於
人者竝宜營立祠宇以時致祭墳壟之處不得侵踐有司
量為條式稱朕意焉六月壬子以尚書令太子太師楊素
為司徒進封豫章王暕為齊王秋七月癸丑以衛尉卿衛
玄為工部尚書庚申制百官不得計考增級必有德行動

能灼然顯著者權之壬戌擢藩邸舊臣鮮于羅等二十七
人官爵有差甲戌皇太子昭薨乙亥上柱國司徒楚國公
楊素薨八月辛卯封皇孫佖為燕王侗為越王侑為代王
九月乙丑立秦王俊子浩為秦王冬十月戊子以靈州刺
史段文振為兵部尚書十二月庚寅詔曰前代帝王因時
創業君民建國禮尊南面而歷運推移年代永久立龍殘
毀熊牧相趨堊兆堙蕪封樹莫辨興言淪滅有愴于懷自
古以來帝王陵墓可給隨近十戶蠲其雜役以供守視
三年春正月癸亥赦并州逆人已流配而逃亡者所獲之
處即宜斬決景子辰星竟天出於東壁二旬而止是月武

陽郡士言河水清二月乙丑彗星見於東井文昌歷大陵
五車北河入太微掃帝座前後百餘日而止三月辛亥車
駕還京師壬子以大將軍姚辨為左衛將軍癸丑遣羽騎
朱寬使於流求國乙卯河間王弘薨夏四月庚辰詔曰古
者帝王觀風俗皆所以憂勤兆庶安集遐荒自蕃夷內附
未遑親撫山東經亂復加存恤今欲安輯河北巡省趙魏
所司依式甲申頒律令大赦天下關內給復三年壬辰改
州為郡改度量衡並依古式改上柱國以下官為大夫甲
午詔曰天下之重非獨理所安帝王之功豈一士之畧自
古明君哲后立政經邦何嘗不選賢與能振拔淹滯周稱

多士漢号得人尚想前風載懷欽佇朕負衰夙興冕旒待
 日引領巖谷實以周行冀與羣才共康庶績而彙茅寂漠
 投竿空至豈美璞韜米未值良工將介石在懷確乎難拔
 求臨前哲憮然興歎凡厥在位暨諸股肱若濟巨川義同
 舟楫豈得保茲寵祿晦尔所知優游卒歲其非謂也祁大
 夫之舉善良史以為至公臧文仲之蔽賢丘父譏其竊位
 求諸往古非無褒貶宜思進善用匡寡薄夫孝悌有聞人
 倫之本德行敦厚立身之基或節義可稱或操履清絜所
 以激貪厲俗有益風化強毅正直執憲不撓學業優敏文
 以禦侮力有驍壯則任之以爪牙爰及一藝可取亦宜採
 錄若衆善畢舉與時無棄以此求理庶幾非遠文武有職
 事者五品已上宜依令十科舉人有一於此不必求備朕
 當待以不次隨才升用其見任九品已上官者不在舉送
 之限景申車駕北巡狩丁酉以刑部尚書宇文弼為禮部
 尚書戊戌敕百司不得踐暴禾稼其有須開為路者有司
 計地所收即以近倉酬賜務從優厚己亥至赤岸澤以太
 宰祭故太師李穆五月丁巳突厥啓民可汗遣子拓特勒
 來朝戊午發河北十餘郡丁男自太行山達于并州以通
 馳道景寅啓民可汗遣其兄子毗黎伽特勒來朝辛酉啓

民可汗使請自入塞奉迎輿駕上不許癸酉有星孛于文昌上將星常皆動搖六月辛巳獵於連谷丁亥詔曰聿追孝饗德莫至焉崇建寢廟禮之大者然則質文異代損益殊時學滅坑焚經典散逸憲章湮墜廟堂制度師說不同所以世數多少莫能是正連室異宮亦無定准朕獲奉祖宗欽承景業永惟嚴配異隆大典於是詢謀在位博訪儒術咸以為高祖文皇帝受天明命奄有區夏拯羣飛於四海革彫弊於百五恤獄緩刑生靈皆遂其性輕徭薄賦比屋各安其業芟夷宇宙混壹車書東漸西被無思不服南征北怨俱荷來蘇駕毛毳乘風歷代所弗至辭駁左任聲教所罕及莫不厥角關塞頌頌闕庭譯靡絕時書無虛月辭戈偃伯天下晏如嘉瑞休徵表裏禔福猗欬偉欬無得而名者也朕又聞之德厚者流光理辨者禮縟是以周之文武漢之高光其典章特立謚号斯重豈非緣情稱述即崇顯之義乎高祖文皇帝宜別建廟宇以彰巍巍之德仍遵月祭用表蒸蒸之懷有司以時創造務合典制文名位既殊禮亦異等天子七廟事著前經諸侯一昭義有差降故知以多為貴王者之禮今可依用貽厥後昆戊子次榆林郡丁酉啓民可汗來朝己亥吐谷渾高昌竝遣使貢方物甲辰上御北樓觀漁于河以宴百寮秋七月辛亥啓民可

汗上表請變服龍冠帶詔啟民贊拜不名在諸侯王上甲
寅上於郡城東御大帳其下備儀衛建旌旗宴啟民及其
部落三千五百人奏百戲之樂賜啟民及其部落各有差
丙子殺光祿大夫賀若弼禮部尚書宇文弼太常卿高頴
尚書左僕射蘇威坐事免發丁男百餘萬築長城西距榆
林東至紫河二旬而罷死者十五六八月壬午車駕發榆
林乙酉啟民飾廬清道以候乘輿帝幸其帳啟民奉觴上
壽宴賜極厚上謂高麗使者曰歸語余王當早來朝見不
然者吾與啟民巡彼土矣皇后亦幸義城公主帳己丑啟
民可汗歸蕃突已入樓煩關壬寅次太原詔營宮陽宮九
東都壬申以齊王暕為河南尹開府儀同三司癸酉以戶
部尚書楊文思為納言

四年春正月乙巳詔發河北諸郡男女百餘萬開永濟渠
引沁水南達于河北通涿郡庚戌百寮大射於允武殿丁
卯賜城內居民米各十石壬申以太府卿元壽為內史令
鴻臚卿楊玄感為禮部尚書癸酉以工部尚書衛玄為右
武侯大將軍大理卿長孫熾為戶部尚書二月己卯遣司
朝謁者崔毅使突厥虜羅致汗血馬三月辛酉以將作大
匠宇文愷為工部尚書壬戌百濟倭赤土迦羅舍國並遣

使貢方物乙丑車駕幸五原因出塞巡長城景寅遣屯田
主事常駿使赤土致羅罽夏四月景午以離石之汾源臨
泉鴈門之秀容為樓煩郡起汾陽宮癸丑以河內太守張
定和為左屯衛大將軍乙卯詔曰突厥意利珍豆啓民可
汗率領部落保附關塞遵奉朝禮思改戎俗頻入謁覲屢
有陳請以氈牆毳幕事窮荒陋棟下宇願同比屋誠心
懇切朕之所重宜於万壽成置城造屋其帷帳牀褥以上
陸聖尹量給務從優厚稱朕意焉五月壬申蜀郡獲三足鳥
張掖獲玄狐各一秋七月辛巳發丁男二十餘万築長城
自榆林谷而東乙未左翊衛大將軍宇文述破吐谷渾於

曼頭赤水八月辛酉魏和伯岳河北道郡守畢集大赦天

下車駕經郡縣免一年租調九月辛未徵天下鷹師悉
集東京至者万餘人戊寅彗星出五車掃文昌王房而滅
辛巳詔免長城役者一年租賦冬十月景午詔曰先師臣
父聖德在躬誕發天縱之姿憲章文武之道命世膺期蘊
茲素王而頽山之歎忽踰於千祀盛德之美不在於百代
永惟懿範宜有優崇可立孔子後為紹聖侯有司求其苗
裔錄以申上辛亥詔曰昔周王下車首封唐虞之胤漢帝
承曆亦命殷周之後皆所以襲先代憲章在昔朕嗣膺
景業傍求雅訓有一弘益欽若今典以為周兼夏殷文質

夫備漢有天下車書混一魏晉公龍襲風流未遠宜立後
以存繼絕之義有司可求其胄緒列聞乙卯頒初式於天

五年春正月景子改東京為東都癸未詔天下均田戊子

上自東都還京師己丑制民間鐵又搭鈎稽刃之類皆禁

絕之太守每歲密上屬官景迹二月戊戌次于闕鄉詔祭

古帝王陵及開皇功臣墓庚子制漢魏周官不得為陰平

丑亦土國遣使貢方物戊申車駕至京師景辰宴耆舊

自入於武德殿頒賜各有差己未上御崇德殿之西院

然不悅顧謂左右曰此先帝所居寔用增感情跡亦安

此院之西別營一殿壬戌制父母聽隨子之官三月己巳

車駕西巡河右庚午有司言武功男子史永遵與從父昆

弟同居上嘉之賜物一百段米二百石表其門閭乙亥幸

扶風舊宅夏四月己亥大獵於隴西壬寅高麗吐谷渾伊

吾竝遣使來朝乙巳次狄道堯項羌來貢方物癸亥出臨

津關度黃河至西平陳兵講武五月乙亥上大獵於延山

長圍周亘二千里庚辰入長寧谷壬午度星嶺甲申宴群

臣於金山之上景戌梁浩豐御馬度而橋壞斬朝散大夫

黃白及督役者九人吐谷渾王率衆保覆袁川帝分命內

史元壽南屯金山兵部尚書段文振北屯雪山太僕卿楊

義臣東屯琵琶峽將軍張壽西屯泥嶺四面圍之吐谷渾
主伏允以數十騎遁出遣其名王詐稱伏允保車我真山
壬辰詔右屯衛大將軍張定和往捕之定和挺身挑戰為
賊所殺亞將柳武建擊破之斬首數百級甲午其仙頭王
窮蹙率男女十餘万口來降六月丁酉遣左光祿大夫梁
默右翊衛將軍李瓊等追吐谷渾主皆遇賊死之癸卯經
大斗拔谷山路隘險魚貫而出風霰晦暝與後宮相失士
卒凍死者大半景午次張掖辛亥詔諸郡學業該通才藝
優洽膂力驍壯超絕等倫在官勤奮堪理政事立性正直
不避強禦四科舉人壬子高昌王麴伯雅來朝伊吾吐屯
設等獻西域數千里之地上大悅癸丑置西海河源郡善
且末等四郡景辰上御觀風行殿盛陳文物奏九部樂設
魚龍曼延宴高昌王吐屯設於殿上以寵異之其蠻夷陪
列者三十餘國戊午大赦天下開皇已來流配悉放還鄉
晉陽逆黨不在此例隴右諸郡給復三年秋七月丁卯置
馬牧於青海渚中以求龍種無効而止九月癸未車駕入
長安冬十月癸亥詔曰優德尚齒載之典訓尊事乞言義
彰膠序孺熊為師無取筋力方叔元老克壯其猷朕永言
稽古用求至理是以危眉黃髮更令收叙務簡秩優無虧
藥餌庶等臥理佇其弘益今歲耆老赴集者可於近郡處

置年七十已上疾患沈滯不堪在職即給賜帛送還本郡
其官至七品以上者量給稟以終厥身十一月景子車駕
幸東都

六年春正月癸亥朔旦有盜數十人皆素冠練衣焚香持
華自稱彌勒佛入自建國門監門者皆稽首既而奪衛士
仗將為亂齊王暕遇而斬之於是都下大索與相連坐者
千餘家丁丑角觝大戲於端門街天下奇伎異藝畢集終
月而罷帝數微服往觀之己丑倭國遣使貢方物二月乙
巳武賁郎將陳稜朝請大夫張鎮州擊流求破之獻俘万
七千口頒賜百官乙卯詔曰夫二帝圖草創王業艱難咸依

朕朕叶同心德用能救厥種

進克膺大寶然後時康

開國承家誓以山河傳之不朽近代凋喪四海未壹茅土
妄假名實相乖歷茲永久豈能懲革皇運之初百度伊始
猶循舊貫未暇改作今天下交泰文軌攸同宜率遵先典
永垂大訓自今已後唯有功勳乃得賜封仍令子孫承襲
景辰改封安德王雄為觀王河間王子慶為郇王庚申徵
魏齊周陳樂人悉配太常二月癸亥幸江都宮甲子以馮
臚御史祥為左驍衛大將軍夏四月丁未宴江淮已南父
老頒賜各有差六月辛卯室草亦土竝遣使貢方物壬辰
鴈門賊帥尉文通聚眾二千保於莫壁谷遣鷹揚楊伯泉

擊破之甲寅制江都太守扶同京尹冬十月壬申刑部尚
書梁毗卒壬子戶部尚書銀青光祿大夫長孫熾卒十二
月己未左光祿大夫吏部尚書牛弘卒辛酉朱崖人王万
昌舉兵作亂遣隴西太守王暉洪討平之

七年春正月壬寅左武衛大將軍光祿大夫真定侯郭衍
卒二月己未上拜釣臺臨楊子津大宴百寮頒賜各有差
庚申百濟遣使朝貢乙亥上自江都御龍舟入通濟渠遂
幸于涿郡壬午詔曰武有七德先之以安民政有六本興
之以教義高麗虧失藩禮將欲問罪遼左恢宣勝略雖懷
伐國仍事賓方今往涿郡巡撫民俗其河北諸郡及山西

山東年九十已上版授太守八十者授縣令三月丁亥右
光祿大夫左屯衛大將軍姚辯卒夏四月庚午幸涿郡之
臨朔宮五月戊子以武威太守樊子蓋為民部尚書秋大
水山東河南漂沒三十餘民相賣為奴婢冬十月乙卯
底柱山崩偃木逆流數十戊午以東平太守吐万緒為
左屯衛大將軍十二月己酉突厥颯羅多利可汗來朝帝
大悅接以殊禮于時遼東戰士及餽運者填咽於道晝夜
不絕苦役者始為羣盜甲子敕都尉鷹揚與郡縣相知追
捕隨獲斬決之

八年春正月辛巳大軍集于涿郡以兵部尚書段文振為

左侯衛大將軍壬午下詔曰天地大德降繁霜於秋令聖
哲至仁著兵甲於刑典故知造化之有肅殺義在無私帝
王之用干戈蓋非獲已版泉丹浦莫匪龔行取亂覆昏咸
由順動況乎甘野誓師夏啓承大禹之業商郊問罪周發
成文王之志求監載籍厲馬朕躬粵我有隋誕膺靈命兼
三才而建極一六合而爲家提封所漸細柳蟠桃之外聲
教爰暨紫舌黃枝之域遠至迦安罔弗和會功成理定於
是乎征而高麗小醜迷台不崇聚勃碣之間荐食遼燕
之境雖復漢魏誅夷巢窟暫擾亂離多阻種落還集萃川
毅於前代播寔繁以迄今睽彼華壤翦爲夷類歷年永久
惡稔既盈天道禍濟亡徵已兆亂常敗德非可勝圖掩匿
懷姦唯日不足移告之嚴未嘗面受朝覲之禮莫肯躬親
誘納亡叛不知紀極充斥邊垂亟勞烽候關柵以之不靜
三人爲之廢業在昔薄伐已漏天網既緩前禽之戮未即
後服之誅曾不懷恩翻其長惡乃兼契丹之黨度劉海成
習鞞鞋之服侵軼遼西又青立之表咸脩職貢碧海之濱
同稟正朔遂復冠攘琛賫絕往來虐及弗辜誠而遇禍
輶軒奉使爰暨海東旌節所次途經藩境而擁塞道路拒
絕王人無事君之心豈爲臣之禮此而可忍孰不可容且
法令苛酷賦斂煩重疆臣寡族咸執國均朋黨比周以之

成俗賄貨如市冤枉莫申重以仍歲災凶比屋飢饉兵戈
不息徭役無期力竭轉輸身填溝壑百姓愁苦爰誰適從
境內哀惶不勝其弊回面內向各懷性命之圖黃髮稚齒
咸興酷毒之歎省俗觀風多屆幽朔弔人問罪無俟再駕
親撫六師用申九伐拯厥阨危協從天意殄茲逋穢克嗣
先謨今宜授律啓行分廩屈路掩勅懈而雷震及夫餘以
電掃比戈按甲俟誓而後行先令五申必勝而後戰左第
一軍可鑊方道第二軍可長岑道第三軍可海真道第四
軍可蓋馬道第五軍可建安道第六軍可南蘇道第七軍
可登東道第八軍可女苑道第九軍可扶餘道第十軍可
朝鮮道第十一軍可沃沮道第十二軍可樂浪道左第一
軍可粘蟬道第二軍可含資道第三軍可渾彌道第四軍
可臨屯道第五軍可候城道第六軍可提奚道第七軍可
踏頓道第八軍可肅慎道第九軍可碣石道第十軍可東
肅道第十一軍可帶方道第十二軍可襄平道凡此衆軍
先奉廟略駱驛引途揔集平壤莫非如豺如貔之勇百戰
百勝之雄顧眄則山岳傾頽叱咤則風雲騰鬱腹心攸同
爪牙斯在朕躬馭元戎爲其節度涉遼而東循海之右解
倒懸於遐裔問疾苦於遺黎具外輕齎游關隨機赴響卷
甲銜枚出其不意又滄海道軍舟艦千里高颿電逝巨艦

雲飛橫斷沮江逕造平壤島嶼之望斯絕坎井之路已窮
其餘被髮左衽之人控弦待命發微盧彭濮之旅不謀同辭
杖順臨逆人百其勇以此衆戰勢等摧枯然則王者之師
義存止殺聖人之教必也勝殄天罰有罪本在元惡人之
多辟脅從罔理若高元泥首軛門自歸司寇即解縛焚櫬
弘之以恩其餘臣人願歸朝奉化成加慰撫各安生業隨
才任用無隔夷夏營壘所次務在整肅芻蕘有禁秋毫勿
犯以布恩宥以喻禍福若其同惡相濟抗拒官軍國有常
刑俾無遺類明加曉示稱朕意焉揔一百一十三萬三千
百号二百万其餽運者倍之癸未第一軍發終四十日

引師乃盡旌旗亘千里近古出師之盛未之有也乙未以
右候衛大將軍衛玄爲刑部尚書甲辰內史令元壽卒二
月甲寅詔曰朕觀風燕裔問罪遼濱文武叶力爪牙思奮
莫不執銳勤王捨家從役罕蓄倉廩之資兼捐播殖之務
朕所以夕惕愀然慮其匱乏雖復素飽之衆情在忘私悅
使之徒宜從其厚諸行從一品以下依飛募人以上家口
郡縣宜數存問若有糧食乏少皆賑給之或雖有田疇貧
弱不能自耕種可於多丁富室勸課相助使夫居者有斂
積之豐行役無顧後之慮壬戌司空京兆尹光祿大夫觀
王雄薨三月辛卯兵部尚書左候衛大將軍段文振卒癸

嘉靖十年刊

十史本紀十二

十一

已上御師甲子臨戎于遼水橋戍戍大軍爲賊所拒不果
濟右屯衛大將軍左光祿大夫麥鐵杖武賁郎將錢士雄
孟金又等皆死之甲午車駕度遼大戰于東岸擊賊破之
進圍遼東乙未大頓見二大鳥高丈餘皜身朱足游泳自
若上異之命工圖寫并立銘頌五月戊午納言楊達卒于
時諸將各奉旨不敢越機旣而高麗各固城守攻之不下
六月己未幸遼東責怒諸將止城西數里御六合城七月
壬午宇文述等敗績于薩水右屯衛將軍薛世雄死之九
軍竝陷師奔還亡者千餘騎癸卯班師九月庚辰上至東
都已丑詔軍國異容文武殊用匡危拯難則霸德攸興化

人成俗則王道斯貴時當撥亂屬斯可以登朝並屬隆平
經術然後升仕豐都爰罄儒服無預於周行建武之朝功
臣不參於吏職自三方未一四海交爭不遑文教唯尚武
功設官分職罕以才授班朝理人乃由勲叙莫非校足行
陣出自勇夫學擊之道既所不習政事之方故亦無取是
非暗於在己威福專於下吏貪冒貨賄不知紀極蠹政害
民寔由於此自今己後諸授勲官者竝不得回授文武職
事庶遵彼更張取類於調瑟求諸名制不傷於美錦若吏
部輒擬用者御史即宜糾彈冬十月戊寅工部尚書宇文
禮卒十一月己卯以宗女華容公主嫁于高昌王辛巳光

祿大夫韓壽卒申申敗將宇文述于仲文等除名為民斬
尚書右丞劉士龍以謝天下是歲大旱疫人多死山東尤
甚密詔江淮南諸郡閱視民間童女姿質端麗者每歲貢
之

九年春正月丁丑徵天下兵募民為驍果集于涿郡壬午
賊帥杜彥志王潤等陷平原郡大掠而去辛卯置折衝果
毅武勇雄武等郎將官以領驍果乙未平原李德逸聚眾
數千稱阿舅賊劫掠山東靈武白榆妄稱奴賊劫掠牧馬
北連突厥隴右多被其患遣將軍范貴討之連年不能克
戊戌大赦己亥遣代王侑刑部尚書衛玄鎮京師辛丑以

右驍衛將軍李渾為右驍衛大將軍二月己未濟北人韓

進洛聚眾數方為羣盜壬午復宇文述等官爵又徵兵討
高麗三月景子濟北人孟海公起兵為盜眾至數方丁丑
發丁男十方城太興戊寅幸遼東以越王侗工部尚書樊
子蓋鎮東都庚子北海人郭方預聚徒為賊自号盧公眾
至二方攻陷郡城大掠而去夏四月庚午車駕度遼壬申
遣宇文述楊義臣趣平壤城五月丁丑癸賊入南斗己卯
濟北人甄寶車聚眾方餘寇掠城邑六月乙巳禮部尚書
楊玄感反於黎陽丙辰玄感逼東都河南贊理裴弘策拒
之反為賊所敗戊辰兵部侍郎斛斯政奔于高麗庚午上

班師高麗犯後軍救右武衛大將軍李景為後拒遣左翊
衛大將軍宇文述左候衛將軍屈突通等馳傳發兵以討
玄感秋七月己卯令所在發人城縣府驛癸未餘杭人劉
元進舉兵反衆至數万八月壬寅左翊衛大將軍宇文述
等破揚玄感於閩鄉斬之餘黨悉平癸卯吳人朱燮晉陵
人管崇擁衆十萬餘自稱將軍寇江左甲辰制驍果之家
蠲免賦役丁未詔郡縣城去道過五里已上者徙就之戊
申制盜賊籍沒其家乙卯賊帥陳瑱等三万攻陷信安郡
辛酉司農卿光祿大夫葛國公趙元淑以罪伏誅九月己
卯濟陰人吳海流東海人彭孝才竝舉兵為盜衆數万庚
辰賊帥梁慧尚聚衆四万陷蒼梧郡甲午車駕次上谷以
供費不給上大怒免太守虞荷等官丁酉東陽人李三兒
向但子舉兵作亂衆至万餘閏月己巳幸博陵庚午上謂
侍臣曰朕昔從先朝周旋於此年甫八歲日月不居倏經
三紀追惟曩昔不可復希言未卒流涕嗚咽侍衛者皆泣
下沾襟冬十月丁丑賊帥呂明星率衆數千圍東郡武賁
郎將費青奴擊斬之乙酉詔曰博陵昔為定州地居衝要
先王歷試所基王化斯遠故以道冠幽風義高姚邑朕巡
撫氓庶爰屆茲邦瞻望郊壑緬懷敬止思所以宣播慶澤
覃被下人崇紀顯號式光令緒可改博陵為高陽郡赦境

內死罪以下給復一年於是召高祖時故吏皆量才授職
壬辰以納言蘇威為開府儀同三司朱愛管崇推劉元進
為天子遣將軍吐万緒魚俱羅討之連年不能克齊人孟
讓王薄等衆十餘万據長白山攻剽諸郡清河賊張金稱
衆各數万勃海賊帥格謙自号燕王孫宣雅自号齊王衆
各十万山東苦之丁亥以右候衛將軍郭榮為右候衛大
將軍十一月己酉右候衛將軍馮孝慈討張金稱於清河
反為所敗孝慈死之十二月甲辰車裂楊玄感為朝散大
夫積善及黨與十餘人仍焚而揚之丁亥扶風人向海明
舉兵作亂稱皇帝建元白鳥遣太僕卿楊義臣擊破之

十年春正月甲寅以宗女為信義公主嫁於突厥曷娑那
可汗二月辛未詔百寮議伐高麗數日無敢言者戊子詔
曰竭力王役致身戎事咸由徇義莫匪勤誠委命草芥暴
骸原野興言念之每懷愍惻往年問罪將屆遼瀆廟筭勝
略具有進止而諒愾凶罔識成敗高頰悞恨本無智謀臨
三軍猶兒戲視人命如草芥不遵成規坐貽撓退遂令死
亡者衆不及埋藏今宜遣使人分道收葬設祭於遼西郡
立道場一所恩加泉壤庶弭窮魂之冤澤及枯骨用弘仁
者之惠辛卯詔曰黃帝五十二戰成湯二十七征方乃德
施諸侯令行天下盧芳小盜漢祖尚且親戎隗囂餘燼光

武猶自登隴豈不欲除暴止戈勞而後逸者哉朕纂承寶業君臨天下日月所照風雨所霑孰非我臣獨隔聲教最介高麗僻居荒裔鴟張狼噬侮慢不恭抄竊我邊乘侵逼我城鎮是以去歲出軍問罪遼碣殪長蛇於玄菟戮封豕於襄平扶餘衆軍風馳電逝追奔逐北徑踰淇水滄海舟楫衝賊腹心焚其城郭汙其宮室高元伏鎖淫首送款軍門尋請入朝歸罪司寇朕以許其改過乃詔班師而長惡靡悛宴安鳩毒此而可忍孰不可容便可分命六師百道俱進朕當親執武節臨御諸軍秣馬九都觀兵遼水順天誅於海外拯窮民於倒懸征伐以正之明德以誅之止除

元惡餘無所階若有識存亡之分悟安危之機翻然北首自求多福必其同惡相濟抗拒王師若火燎原刑茲無赦有司便宜宣布咸使知聞丁酉扶風人唐弼舉兵反衆十萬推李弘爲天子自稱唐王三月壬子行幸涿郡癸亥次臨渝宮親御戎服禡祭黃帝斬叛軍者以釁鼓夏四月辛未彭城賊張大彪聚衆數萬保縣薄山爲盜遣榆林太守董純擊破斬之甲午車駕次北平五月庚子詔舉郡孝悌廉潔各十人壬寅賊帥宋世謨陷琅邪庚申延安人劉迦論舉兵反自稱皇王建元六月辛未賊帥鄭文雅林寶護等衆三萬陷建安郡太守楊景祥死之秋七月癸丑

車駕次懷遠鎮乙卯曹國遣使貢方物甲子高麗遣使
降囚送斛斯政上大悅八月己巳班師右衛大將軍左光
祿大夫鄭榮卒冬十月丁卯上至東都已丑還京師十一
月景申支解斛斯政於金光門外乙巳有事於南郊己酉
賊帥司馬長安破長平郡乙卯離石胡劉苗等舉兵反自
稱天子以其第六兒爲永安王衆至數萬將軍潘長文討
之不能剋是月賊帥王德仁擁衆數萬保林慮山爲盜十
二月壬申上如東都其日大赦天下戊子入東都庚寅賊
帥孟讓衆十餘萬據都梁宮遣江都丞王世充擊破
其衆

十一年春正月甲午朔宴百寮突厥新羅靺鞨畢大辭訶
嚙傳越烏那焉波臘吐火羅俱慮建忽論靺鞨訶多沛汗
龜茲疏勒于闐安國曹國何國穆國單衣密失範延伽折
契丹等國竝遣使朝貢戊戌武賁郎將高建毗破賊帥顏
宣政於齊郡虜男女數千口乙卯大會蠻夷設魚龍曼延
之樂頒賜各有差二月戊辰賊帥楊仲緒等率衆方餘攻
北平滑公李景破斬之庚午詔曰設險守國著自前經重
門禦暴事彰在策所以宅上寧邦禁邪固本而近代戰爭
居人散逸田疇無伍郭郭不修遂使遊惰寔繁寇攘未息
今天下平一海內晏如宜令人悉城居田隨近給使強弱

相容力役兼濟穿窬無所厝其姦究薶蒲不得聚其逋逃
有司具為事條務令得所景子王須拔反自稱漫天王國
號燕賊帥魏刀兒自稱歷山飛衆各十餘万北連突厥南
寇趙三月丁酉殺右驍衛大將軍光祿大夫郟公李渾將
作監光祿大夫李敏竝族滅其家癸卯賊帥司馬長安破
西河已酉幸太原避暑汾陽宮秋七月己亥淮南人張起
緒舉兵為盜衆至三万辛丑光祿大夫右禦衛大將軍張
壽卒八月乙卯巡北塞戊辰突厥始畢可汗率騎數十方
謀襲乘輿義成公主遣使告變壬申車駕馳幸鴈門癸酉
突厥圍城官軍頻戰不利上大懼欲率精騎潰圍而出民
部尚書樊子蓋固諫乃止齊王暕以後軍保于博縣甲申
詔天下諸郡募兵於是守令各來赴難九月甲辰突厥解
圍而去丁未曲赦太原鴈門死罪已下冬十月壬戌上至
于東都丁卯彭城人魏麒麟衆方餘為盜寇魯郡壬申
賊帥盧明月聚衆十餘万寇陳汝間東海賊李季通擁衆
度淮自號楚王建元明政寇江都十一月乙卯賊帥王須
拔破高陽郡十二月戊寅有大流星如斛墜明月營破其
衝車庚辰詔民部尚書樊子蓋發關中兵討絳郡賊敬盤
隋柴保昌等經年不能剋譙郡人朱粲擁衆數十万寇荆
襄僭稱楚帝建元昌達漢南諸郡多為所陷焉

十二年春正月甲午鴈門人翟松栢起兵於靈丘眾至數
 萬轉攻傍縣二月己未真臘遣使貢方物甲子夜有二大
 鳥似鷓鴣飛入大業殿止于御帷至明而去癸亥東海賊盧
 公暹率眾萬餘保于蒼山夏四月丁巳顯陽門灾癸亥魏
 刁兒所部將甄翟兒號歷山飛眾十萬轉寇太原將軍潘
 文討之反為所敗長文死之五月景戌朔日有蝕之既
 癸巳大流星殞於吳郡為石三午上於景華宮徵求螢火
 得數斛夜出遊山而放之光遍巖谷秋七月壬戌民部尚
 書光祿大夫濟北公樊子蓋卒甲子幸江都宮以越王侗
 光祿大夫陝東太守元文都檢校民部尚書韋津右武

備非軍皇其無逸右司郎盧楚等摠留守事奉信即崔氏

象以盜賊充斥於建國門表諫不宜巡幸上大怒先解其
 頤乃斬之戊辰馮翊人孫華自号惣管舉兵為盜高涼通
 守洗瑤徹舉兵作亂嶺南溪洞多應之己巳熒惑守羽林
 月餘乃退車駕次汜水奉信郎王愛仁以盜賊日盛諫上
 請還西京上怒斬之而行八月乙巳賊帥趙万海眾數十
 万自恒山寇高陽壬子有大流星如斗出王良閣道聲如
 壤牆癸丑大流星如甕出羽林九月丁酉東海人杜伏威
 楊州沈覓敵等作亂眾至數万右禦衛將軍陳稜擊破之
 戊午有二枉矢出北斗魁委曲蛇形注於南斗壬戌安定

人嘉非世雄殺臨涇令舉兵作亂自号將軍冬十月己丑
開府儀同三司左翊衛大將軍光祿大夫許公宇文述薨
十二月癸未鄱陽賊操天成舉兵反自號元興王建元始
興攻陷豫章郡乙酉以右翊衛大將軍來護為開府儀同
三司行左翊衛大將軍壬辰鄱陽人林士弘自稱皇帝國
號建元太平攻陷九江廬陵郡唐公破甄翟兒於西河
虜男女千口

十三年春正月壬子齊郡賊柱伏威率眾度淮攻陷歷陽
郡景辰勃海賊竇建德設壇於河間之樂壽自稱長樂王
建元丁丑辛巳賊帥徐圓朗率眾数千破東平郡弘化人
到介成聚眾萬餘人為盜傍郡苦之二月壬午朔方人梁
師都殺郡丞唐世宗據郡反自稱大丞相遣銀青光祿大
夫張世隆擊之反為所敗戊子賊率王子英破上谷郡已
丑馬邑校尉劉武周殺太守王仁恭舉兵作亂北連突厥
自稱定楊可汗突厥賊帥李密翟讓等陷興洛倉越三伺
遣武賁郎將劉長恭光祿少卿房胤擊之反為所敗死者
十五六庚子李密自號魏公稱元年開倉以賑郡盜眾至
數十萬河南諸郡相繼皆陷焉壬寅劉武周破武賁郎將
王智辯於桑乾鎮智辯死之三月戊午廬江人張子路舉
兵反遣右禦衛將軍陳稜討平之丁丑賊帥李通德眾十

方寇廬江左屯衛將軍張鎮州擊破之夏四月癸未金城
校尉薛舉率衆反自稱西秦霸王建元秦興攻陷隴右諸
郡已丑賊帥孟讓夜入東都外郭燒曹都市而去癸巳李
密陷迴洛東倉丁酉賊帥房憲伯陷汝陰郡是月光祿大
夫武貴郎將裴仁基淮陽太守趙佗等並以衆叛歸李密
五月辛卯夜有流星如彗墜於江都甲子唐公起義師於
太原景寅突厥數千寇太原唐公擊破之秋七月壬子熒
惑守積屍景辰武威人李軌舉兵反攻陷河曲諸郡自稱
涼王建元安樂八月辛巳唐公破武牙郎將宋老生於霍
邑斬之九月己丑帝杜江都人女寡婦以配從兵是月武

陽郡丞元寶藏以郡叛歸李密與賊帥李文相攻陷黎陽
倉慧星見於營室冬十月丁亥太原陽世洛聚衆方餘人
寇掠城邑景申羅令蕭銑以縣反鄱陽人董景珍以郡反
迎銑於羅縣號爲梁王攻陷傍郡戊戌武貴郎將高毗敗
濟北郡賊甄寶車於嶺山十一月景辰唐公入京師辛酉
遙尊帝爲太上皇立代王侑爲帝改元義寧上起宮丹揚
將遜于江左有烏鵲來巢帷帳驅不能止熒惑犯太微有
石自江浮入于揚子日光四散如流血上甚惡之二年三
月石屯衛將軍宇文化及武貴郎將司馬德戡元禮監門
直閤裴虔通將作少監宇文智及武勇郎將趙行樞鷹揚

郎將孟景內史舍人元敏符璽郎李慶年方裕千牛左右
李孝本弟孝質直長許弘仁薛世良城門郎唐奉義醫正
張愷等以驍果作亂入犯宮闈上崩于溫室時年五十蕭
后令宮人撤牀簀爲棺以理之化及發後右禦衛將軍陳
稜奉梓宮於成象殿葬吳公臺下發斂之始容貌若生衆
咸異之大唐平江南之後改葬雷塘初上自以蕃王次不
當立每矯情飾行以釣虛名陰有奪宗之計時高祖雖重
文獻皇后而性忌妾媵皇太子勇內多嬖幸以此失愛帝
後辟有子皆不育之示無私寵取媚於后大臣用事者傾
心與交中使至第無貴賤皆曲承顏色中以厚禮婢僕往

來者無不稱其仁孝又常私入宮掖密謀於文獻后後
等因機構扇遂成廢立自高祖大漸暨詠閣之中蒸淫無
度山陵始就即事巡游以天下承平日久士馬全盛慨然
慕秦皇漢武之事乃盛理宮室窮極侈靡力募行人分使
絕域諸蕃至者厚加禮賜有不恭命以兵擊之盛興屯田
於玉門柳城之外課天下富室分道市武馬疋直十餘万
富強坐是而凍餒者十家而九性多詭譎所幸之處不欲
人知每幸之所輒數道置頓四海珍羞殊味水陸必備焉
求市者無遠不至郡縣官人競爲獻食豐厚者進擢踈儉
者獲罪最吏侵漁內外虛竭頭會箕斂人不聊生于時軍

國多務日不暇給帝方驕怠惡聞政事冤屈不理奏請罕
沃又猜忌臣下無所專任朝臣有不合意者必構其罪而
族滅之高熲賀若弼元皇心猜參謀帷幄張衡李金才潘
邨惟舊績著經綸惡其直道忌其正議求其無形之罪加
以丹頸之戮其餘事君盡禮蹇蹇匪躬無辜無罪橫受夷
戮者不可勝紀政刑弛紊賄貨公行莫敢有言道路以目
六軍不息百役繁興行者不歸居者失業人饑相食邑落
為墟上弗之恤也東西行幸靡有定居每以供費不給逆
收數年之賦所至唯與後宮流連耽酒惟日不足招迎媵
媼朝夕共肆醜言又引少年令與宮人穢亂不軌不遜以
為娛樂區宇之內盜賊蜂起劫掠從官屠陷城邑近臣互
相掩蔽皆隱賊數不以實對或有言賊多者輒大被詰責
各求苟免上下相蒙每出師徒敗亡相繼戰士盡力不加
賞賜百姓無辜咸受屠戮庶積怨天下土崩至於就禽
而猶未之寤也

恭皇帝諱侑元德太子之子也母曰韋妃性聰敏有氣度
大業三年立為陳王後數載徙為代王及煬帝親征遼東
令於京師擢留事十一年從幸晉陽拜太原太守尋鎮京
師義兵入長安尊煬帝為太上皇奉帝纂業義寧元年十
一月壬戌上即皇帝位於大興殿詔曰王道喪亂天步不

康屬之於朕逢此百罹襁褓之歲夙遭憫凶孺子之辰太
上播越興言感動實疚于懷太尉唐公膺期作宰糾合義
兵翼戴皇室爰奉明詔弼子幼冲顯命光臨天威咫尺對
揚尊號悼心失圖一人在遠三讓不遂備俛南面厝身無
所苟利社稷莫敢或違俯從群議奉遵聖旨可大赦天下
改大業十三年為義寧元年十一月十六日昧爽以前大
辟罪已下皆赦除之常赦所不免者不在赦限甲子以光
祿大夫大將軍太尉唐公為假黃鉞使持節大都督內外
諸軍事尚書令大丞相進封唐王景寅詔曰朕惟孺子未
出深宮太上遠巡追蹤穆滿時逢多難委當尊極辭不獲
免恭已臨朝若涉大川罔知所濟民之情偽曾未之聞賴
股肱勅力上宰賢良匡佐冲人輔其不逮軍國機務事無
大小文武設官位無貴賤憲章賞罰咸歸拍府庶績其凝
責成斯屬己巳以唐王子隴西公建成為唐國世子敦煌
公為京兆尹改封秦公元吉為齊公太原置鎮北府乙亥
張掖康老和舉兵反十二月癸未薛舉自稱天子寇扶風
秦公為元帥擊破之丁亥桂陽人曹武徹舉兵反建元通
聖丁酉義師禽驍衛大將軍屈突通於閩鄉乙巳賊帥張
善安陷廬江郡

二年春正月丁未詔唐王劔履上殿入朝不趨贊拜不名

加前後羽葆鼓吹壬戌將軍王世充為李密所敗河內通
守孟善諷武賁郎將王辨楊威劉長恭梁德董智通皆死
之庚戌河陽郡尉獨孤武都降於李密三月景辰右屯衛
將軍宇文化及弑太上皇於江都宮右禦衛將軍獨孤盛
死之齊王暕趙王杲燕王倓右翊衛大將軍宇文協內史
侍郎虞世基御史大夫裴蘊給事郎許善心皆遇害化及
立秦王浩為帝自稱大丞相朝士文武皆受其官爵光祿
大夫宿公麥朮折衝郎將朝請大夫沈同謀討賊夜襲化
及營反為所害戊辰詔唐王備九錫之禮加璽紱遠游冠
綠綬授位在諸侯王上唐國置丞相已下一依舊式五月

乙巳朔詔唐王冕十有二旒建天子旌旗出警蹕金根
車駕備五時副車置旄頭雲罕車儻八佾設鍾虡宮縣王
后王子王女爵命之號一遵舊典戊午詔曰天禍隋國大
行太上皇遇盜江都憫予小子哀號求感仰惟荼毒仇復
靡申相國唐王膺期命世扶危拯溺自北徂南東征西怨
摠九合於一匡決百勝於千里糾率夷夏大庇氓黎保乂
朕躬繫王是賴德侔造化功格蒼昊旻兆庶歸心曆數斯在
屈為人臣載違天命當今九服崩離三靈改卜大運去矣
請避賢路私僮命駕須歸藩國予本代王及予而代天之
所廢豈期如是庶憑稽古之聖以誅四凶幸值惟新之恩

預充三恪雪寃恥於皇祖守禮祀為孝孫朝聞夕殞及泉
無恨今遵故事遜於舊邸庶官群辟改事唐朝宜依前典
趣上尊號若釋重負感泰兼懷假手真人俾除醜逆仍敕
有司凡有表奏皆不得以聞是日上遜位於大唐以為鄴
國公武德二年夏五月崩時年十五



史臣曰煬帝爰在弱齡早有志尚南平吳會北却匈奴昆
弟之中獨著聲績於是矯情飾見肆厥姦回故得獻后鍾
心文皇革慮天方肇亂遂升儲兩踐峻極之榮基承丕顯
之休命地廣三代威振八紘單于頓顙越常重譯赤仄之
泉流溢于都內紅腐之粟充積於塞下負其富強之資思

逞無狀之欲狹殷周之制度尚秦漢之規摹恃才矜已傲
佞明德內懷險躁外示凝簡盛冠服以塞其姦除諫官以
掩其過淫荒無度法令滋彰教絕四維刑參五虐誅鋤骨
肉屠剗忠良受賞者莫見其功為戮者莫聞其罪驕怒之
兵屢動土木之功不息頻出朔方三駕遼左旌旗万里徵
稅百端猾吏侵漁人弗堪命乃急令暴賦以擾之嚴刑峻
法以臨之甲兵威武以重之自是海內騷然無聊生矣俄
而玄感肇黎陽之亂匈奴有鴈門之圍天子方棄中土遠
之楊越姦宄乘豐強弱相陵關梁閉而不通皇輿往而莫
返加以師旅因之以飢饉流離道阻轉死溝壑十七八

焉於是相聚蓬蒲蝟毛而起大則跨州連郡稱帝稱王小
則千百為郡攻城剽邑流血成川澤死人如亂麻炊者不
及析骸食者不遑易子茫茫九土竝為麋鹿之場惺惺黔
黎俱充虺豕之餌四方万里簡書相續猶謂鼠竊狗盜不
足為虞上下相蒙莫肯念亂振蟬蛸之羽窮長夜之樂土
崩魚爛貫盈惡稔普天之下莫匪仇讎左右之人皆為敵
國終然不悟同彼堊夷遂以萬乘之尊死於匹夫之手億
兆靡感恩之士九牧無勤王之師子弟同就誅夷體骨棄
而莫掩社稷顛隕本枝殄絕自肇有書契以迄于茲宇宙
朋離生靈塗炭喪身滅國未有若斯之甚也書曰天作孽
猶可違自作孽不可違傳曰吉凶由人祇不妄作又曰兵
猶火也不戢將自焚觀隋室之存亡斯言有徵矣恭帝年
在幼冲遭家多難一人失德四海土崩羣盜羣起豺狼塞
路南巢遂往流屍不歸既鍾百六之期躬踐數終之運謳
歌有屬笙鍾變響雖欲不遵堯舜之迹痛可得乎


隋本紀下第十二

北史十二



元文不第三十一

廿五



Faint, ghostly impressions of archaic Chinese characters, likely bleed-through from the reverse side of the page.

